



國家圖書館, NATIONAL CENTRAL LIBRARY, TAIWAN, R.O.C.



鹿城詩集

五言律詩

吳郡梁辰魚伯龍著

國家圖書館, NATIONAL CENTRAL LIBRARY, TAIWAN, R.O.C.



逕轉竹逾仄。亭開望更遙。流觴款避石。曲樹側
妨橋。山鳥窺櫻實。溪魚上柳條。空憐吳季子。魂
遠不能招。

送龔侍御赴溫州詩

皂蓋聯征節。朱旂翼使車。風流謝康樂。詞翰馬
相如。晚日都門遠。秋風驛騎疎。政聲應早樹。會
看佩金魚。

詠樹裏燈 癸丑四月作

桂窟銀蟾滿。花叢玉露零。金岳三逕菊。珠綴一
簾星。秦殿朝開鏡。隋宮夜放螢。嚴城今夕見。應

不是祈靈

登武林湖山新構太虛樓瞻眺

傑構凌空起茲樓實壯哉
樹圍吳相廟雲度越王臺
山色湖中入湖聲海上來
偏安悲衆室北望亦堪哀

同俞孟武暮投大佛寺

谷口欲黃昏維舟芳芷繁
香泉穿殿角金像鑿雲根
一水入蘿徑孤山當寺門
獨憐城郭遠共此息煩喧

同澄上人暮宿天竺寺

秋杪月微茫行山路長風
泉開斷壑幡影識飛梁
鐘磬下蓮宇袈裟歸竹房
清燈閉山閣應愧久迷方

過桐廬

江路鬱蘢葱孤行類轉蓬
山魈晝吹霧舟子夜呼風
兩岸千峰夾中流一水通
松煙有人語應在翠微中

過嚴陵賴祠堂

越地川巖秀應忘客路長
山形像巫峽江色類瀟湘
碑石千秋肅林花十月香
清風見遺範瞻

禮悅行藏

登嚴州南高峰浮圖瞻眺

寶塔浮雲際登臨勢欲傾
驛樓攢小市山郡入孤城
失路悲人世迷方愧此生
何年謝塵服飛珮訪蓬瀛

蚤渡稽勾嶺阻雨想觀音禪院

鷲嶺鬱嵯峨綠嵐上薜蘿
鷄聲鐘後急虎跡雨中多
小院街寒入叢林拂曙過
明燈學趺坐梵語憶波羅

登龍門嶺謁烏王廟

禹廟秋風裊遺靈尚儼然
山藏刊後木泉決後餘川
雨過龍腥斷雲平鴈翅連
憑高殘神跡霄漢欲孤鶩

奉鼎藝溫州侍御見貽之作

夫子文章伯蜚聲渤海陬
幕中憐鮑謝門下愧應劉
夜雨江心寺秋風池上樓
相思空極目何處是東甌

渡艾青嶺

驛路踰千折山田過百重
洞深如鳥鑿松古類秦封
風後闌猿啖霜餘見虎踪
客遊當歲暮歸

騎英從容

過桃花隘作

路入桃花隘崎嶇木石摧亂山橫地起飛樹夫
天開毛女煙中見胡麻洞口秦舂深流水急不
辨是天台

遊仙叢山憇梅雨亭沿流上龍潭觀瀑
布泉尋妙湛菴訪智上人之作

絕壁分奇樹飛流下遠峰洞林巢唳鶴石室隱
降龍訪道慈雲妙窮原覺路重逢人間精舍直
指向青松

送松江九峰山僧如顛往永嘉江心寺
讀書并謁郡太守藝侍御二首

曾過江心寺常瞻海上雲孤城臨岸畫雙塔向
波分屨氣中流出猿聲半夜開松房讀書處從
此絕塵氛
爰有禪棲客來乘越國船曉龕辭錫杖春殿別
金仙儒行師文暢清脩繼大顛南中有山斗吾
道諒能宣

癸丑歲兵阻武林聞任少府海上之捷
詩三首

夜中恒起舞士稚在軍門投筆領如燕彎弓磬
似猿千村幾家在百戰一身存將士銜恩重厨
人已喪元

勇出關西右兵行海外專曉旗開桂棹秋鏑結
蓮錢餉飽供軍後身馳鬪將先功成奏飛捷會
見繪凌煙

少列金閨籍英風更不羣軍容奇後正號令武
能文疊鼓傾夷穴連旌入島雲誰云青海上猶
見李將軍

龍游道中有懷童少瑜

聞說溪居勝溪居盡日閒小樓攢石角野店構
松闌紅葉東西渡斜陽前後山何年來卜築旦
夕對潺湲

暮投鉛山縣河口驛

暝色下荒丘獨遊人正愁水迂斜避石沙澗半
欹舟白鴈宿蘆渚丹楓暗驛樓鄰船有相識閑
坐說滄洲

三閩大夫墓

山木滿雲邊春風哭杜鵑澤蘭猶有奠碑石已
無年世主空妨諫孤臣不自贖羈魂何處乎空

誦大招篇

青草湖

夜泊宜靈岸朝投羅子城水昏青草合秋澗赤
沙明川后見恍惚江妃自送迎乘槎過巫峽直
欲問君平

夜泊澧州村舍

自入荆南路民居物色饒
洞花童子佩山葉女郎樵
漁市藏燈火鷄村足稻苗
畏途應未已罇酒度中宵

登仲宣樓

高樓聊引望迢遞俯軒窓絕域西通楚孤城南
枕江玄猿啼更獨白鳥去還雙自笑同王粲秋
未到此邦

遊章臺寺

寺即章華臺舊址今在江陵沙市
試上車臺望臺荒址半存楚王元有國息女竟
無言青草湖邊竹黃牛峽裏猿愁雲日來去疑
有未招魂

奉和 遠王芳華宮夜宴詩應教

飛蓋西園集清樽北海開管絃兼好合珠翠掌

中迴麴藻浮仙桂瓊筵列綺梅獨憐湖海士橋
翰媿鄒枚

謁漢昭烈皇帝廟

何事征吳日師行不用奇孤軍開鳥道千里散
魚鹿王氣沉陰壁壘風捲畫旗野花秋寂、猶
發殿前枝

阻風石首登繡林山禪閣瞻眺

漢先主與吳夫人駐車此山林木皆被錦
繡故名

遠下荆南道孤槎繫客星靜未諳梵語高處得

江形林麓猶疑繡風雲尚有雪憑虛一長嘯空
自倚青萍

舟中坐雨懷張桂卿

微雨晝陰、停橈思不禁孤城三日別芳草一
春心流水應難住浮雲不可尋湘中有回鴈弗
惜寄空音

洞庭湖

暮宿雲夢渚曉渡洞庭湖四顧天形窄中流地
勢孤山川遙帶蜀舟楫半通吳披豁煙波裏悠
然見禹謨

巴陵舟中漫興

夙有煙霞僻，偷然興不羣。
秋聽巫峽雁，春載洞庭雲。
逸興乘時發，詩名是處聞。
歸舟有芳杜，更喜挹清芬。

登黃州赤壁磯謁蘇文忠公祠

赤壁雙碑在，聲名海內聞。
扁舟江上月，孤鶴夢中雲。
虛閣殘松色，懸崖隱浪紋。
懷賢不可見，空拜誦遺文。

遊廬山太平宮

寶樹開仙鏡，名山枕洞房。
青牛眠石室，白鶴上

松梁竈秘金砂冷，書封玉笥香。
無由訪真侶，直欲駕飛凰。

登廬山天池寺

招提臨絕壁，一徑入雲斜。
飛拱攢祇樹，香泉覆殿花。
夜燈明舍利，朝磬聚袈裟。
回首下山路，風塵幾萬家。

文殊閣參終南孤月禪師

結茅白雲裏，猿鳥自為鄰。
故國別何日，終南住幾春。
談空還有色，問法已無身。
英訝雙瞳碧，年來似九旬。

雨中宿天池寺明瑤上人禪堂曉燈凌
虛閣瞻眺一首

萬壑送飛泉千峰濕野煙樹籠春殿火雲宿夜
龕禪絕頂天應曙下方人正眠叢林足棲息不
斷是塵緣

山中送慈印上人歸下大林寺

朝遊翠微裏出山當夕曛暮煙千嶂合春湍一
溪分鳥下上方聲僧歸別洞雲玄談應不忘歷
歷靜中聞

秋日草堂坐雨與鄰人索酒一首

九月茅齋裏滿一風雨催劉伶新茗頌陶令久
閑盃桑葉滿庭落菊花何處開相如新病渴須
避白衣來

吳苑春游一首

澤國當春半湖山草樹繁女郎開畫槳公子試
金鞍羅薄經風潤塵香看雨乾館娃佳麗處爭
說似長安

送唐六遊信州訪魏檢校苻伯

信州梅望鎮彭蠡控江關帆影松杉外灘聲枕
葦間仙成雲作洞地勝玉名山故反應相待莫

辭行路韻

過周胤昌桐華館


高館芳園接秋生
桐樹枝窓明時闕
墨院午靜分棋容
滿孔融座玄成楊
子居清芬足談笑
不愧日追隨

南禪寺訪真虛上人并杜三子庸

尋幽叩蘭若一徑入陰森
蓮社投元亮桑門住
道林池香飛處濕空色
坐來深日暮虎溪別蕭
蕭松檜音

過胡允章東城草堂

愛爾草堂靜幽人
樂考槃山城環未泰
秋水映琅玕雜樹攢
苔石間花媚藥欄
溪南精舍近香
梵出林端



國家圖書館, NATIONAL CENTRAL LIBRARY, TAIWAN, R.O.C.

國家圖書館

鹿城詩集

吳郡梁辰魚伯龍著

五言律詩

同周水部雨中泊岳州城陵磯寄成都
太守劉大武

春滿磯頭路孤帆下水湄獨憐燈火節况值別
離時坐雨分題僻看山得句奇江陵有歸騎那
附數行詩

游湖口縣下鐘山尋石鐘

峭壁枕層丘携尊愜勝游殿欵依曲榭洞豁關

驚流望嶽停湖口尋鐘叩石頭夕陽江正好昏
黑不能留

送馬驥才甫里別業

伯子扶風裔雄才振羽翰名園環甫里高館抗
江千徑接藏鴉柳池通闕鴨欄庭前有玉樹更
就月中看

送七田負外周胤昌左邊武岡州別駕

遠宦三湘道春途花雨酣白雲九疑北青草洞
庭南水接茱萸瀨山開銅鼓嵐淹笛莫悽愴陶
侃此停驂

寄山陰徐文長

別墅分諸謝千峰丘壑連春開鏡湖水雪放剡
溪船修楔是何日籠鷲應幾年此中多逸事投
翰擬聯翩

秋日趙七魏八泛舟陽城湖

秋風湖上路游舫出林斜浪槳翻菱葉流觴集
荇花魚來波皺日鴈去水平沙欲就漁人宿楓
村第五家

暮宿陽城湖口

暮向江村宿村中半索居人家經後亂未來值

秋餘七月渡頭杵四更湖上漁夢回多旅思猶
憶在桐廬

童少瑜夜過草堂

三載空相憶茅堂未故人扁舟今夜客孤劍昔
年身喪亂輕儒術飄零重隱淪還期歲寒意應
不混風塵

顧舜祥自成都鹽官遷蘄州別駕奉寄

二首

迢遞錦江水鄉書隔歲聞行踪五溪徧惠政兩
川分舟下荆門樹人歸蜀道雲蘄陽去家近更

莫惜離羣

遠宦歸來早帆開萬里橋舟輕官俸薄鴈斷尺
書遙峽口水初下峨眉雪半銷江行莫徯滯蘄
吏正相邀

咏烏

數點孤村遠懷人正倚樓迎舟盤廟口送月下
城頭宮影初翻日林聲半帶秋南飛更何托還
向故枝宿

顧公節東山草堂詩

谷口僻羶宅林中仲蔚居門無題鳳字囊有乞

鷺書引水多通竹連山半種蔬齋餘捲簾坐白
鳥下階除

次前韻

名園依郭北長日賦閒居座有魯連子林多越
絕書因風笛水符趁雨摘春蔬烽火驚時事全
憑酒破除

九日顧茂儉西堂桃花忽開次韻

偶值登高會携尊上曲臺誰移三月種忽犯九
秋開黃葉攢朱萼新英雜故苔名園孕雪卉佳
句不須裁

送管建初游華陽洞兼訪曹內翰

三載論文處青山對小樓誰憐彈鋏客獨作採
真游崦渡桃林水沂採柳谷秋山中有巖館桂
樹可淹留

元旦分詠爐煙得居字

縹緲祥煙迥霏微曉霧餘漏深封寶獸朝罷趁
金魚暎日朱丹禁乘風上紫虛鬱葱佳氣裏長
繞五雲居

詠春帖得平字

萬井春風滿千門淑氣迎樓臺增色相簾幙倍

分明側傍蜂兒室高聯燕子營標題雖不一多是說昇平

人日懷人得花字

計日牛羊度推年犬馬加畫屏粘彩勝宮額落梅花錦字將投塞烏衣未到家草堂詩欲寄獨客在天涯

冬日同杜三子庸游陽山過大石山房
值水上人祝髮因題閣中

蘭若倚巖巔重來今幾年山僧新祝髮海客舊逃禪慧日斜窺閣慈雲半覆田宜林發孤磬清

梵落遙天

過大石觀山人草堂

滅跡青溪上百年長閉關清風來竹下佳句到人間繞砌花侵座對門秋滿山因過幽僻處方信有塵寰

秦餘杭山訪岳山人不遇

數里入茅屋山深乏短棘為尋竹林逸來過桃花源流水空滿澗白雲常在門沿溪覓歸路松際欲黃昏

除夕佛廬守歲

寒氣鐘餘盡年華刻裏增鷄鷺殘夜雪魚勒入
春冰機息久無夢經行尚有燈隆冬足陰翳坐
待太陽昇

元旦

東風催午夜佳氣曉氤氳暖破封條雪寒辭入
塞雲椒觴傳闕遍蓮漏出花分遙想紅霞裏千
官祝聖君

東郊迎春

暖煙籠曉闕淑景覆芳堤冰解沙中溜春明兩
外枝綵旂隨仗轉香騎雜花移半夜東風裏韶

華遍海涯

東林白蓮精舍

習靜依蘭若投閒玩物華梵經翻貝葉山漏轉
蓮花高閣慈雲度叢林法雨斜小橋來往熟不
是虎溪賒

周別駕東林

勲名遺北闕杖屨入東林荷鍾樵人事翻經道
者心引魚窟野水移樹帶春陰旦晚微書及燈
霞未許尋

贈心華道人

一點神靈地虛空似有無江心開寶鏡海上浴
明珠雲淨月在水夜寒冰滿壺冷然見澄徹即
此是清都

山陰山中

千巖秋色裏百折抱江斜小路入黃葉迴湍起
白沙草風醒蝶翅松火濕人家真怪山溪曲沿
流似若耶

過錢塘龍門草堂

曲徑龍門下幽然見草廬山開仲長宅谷暗子
雲居兩砌半栽藥秋窓多著書重一白雪裏時

駐故人車

葉伯寅下第歸訪張涇草堂

愛爾幽居僻何如朝市喧簾風飛燕雀花氣撲
琴樽客座斜通竹漁舟直到門倦游多著述應
似茂陵園

秋日送客歸蒼梧

楚客動歸思孤舟更不堪鴈來憐塞北秋到憶
湘南黃葉廟前樹白雲江上潭蒼梧縹何許莫
惜度煙嵐

宿村店

小榭楓團店清宵獨掩扉燈前雙劍起雲外一
鴻歸客舍草露滿離亭木葉稀悲秋正寥落况
與故山違

季秋送楊秀才歸四明

客館山城下西風度歲華長歌對秋色孤棹發
天涯芳杜若耶水花林越女家四明溪壑勝歸
路向煙霞

金華胡占甫過訪草堂贈別

迢遞桐江棹未投婁水濱獨憐堂上客供是夢
中身占甫常夢同余雙溪渡口別酒對殘月片
各叙平生遠寄南柯子詞

帆歸故人明朝又何處兩地愧風塵

辭親

東海人西去南洲水北流風前兩行淚雲外一
扁舟握手忍相別辭親慚獨游客行殊未已何
日大刀頭

金山

渡口聞鐘磬登臨午梵餘雲中開別島水上結
精廬落日下江鼓春潮入瀨魚回船又昏里離
思欲愁予

焦山

別嶼誰朝刹樓臺枕水隅江來巫峽盡山到海
門孤雲氣常飄忽滄溟似有無蓬萊縹緲何許人
世擬乘桴

甘露寺上方

長堤接蘭若夾徑列松杉山勢北盤郭江流南
枕巖寺鍾應施飯渡鼓欲開帆試覓藏經處者
雲護石函

初夏同康裕卿項豹章游靈谷寺禪房
空門據靈境古刹入長林鹿渡牛溪影鳥鳴春
榭陰殿燈明處迥山磬坐來深偶值支公侶能

生出世心

游烏龍潭贈九源道人

道人潭嶼上幽絕離塵氛面、蓮花色重、湘
水紋龍蹄常帶雨樹偃半藏雲應似潯陽脉紫
紆九派分

游冶城山尋吳王鑄劍池

曾聞吳大帝鑄劍此清瀛霸氣已無跡陰雲若
有靈池荒餘古柳水澗半浮萍欲去更回首晚
煙深翠屏

初夏同金陵金在衡永嘉康裕卿富塗

蕭漢卿無錫葉茂長集張心甫齋中得
疆字

景入清和候幽清續夜鑪玄亭問奇字花館集
名儒雲物鄉關異風塵意氣俱天涯感知已應
忘在長途

雨中坐沈鍊師白雪齋

江寒客不發孤棹寄秦淮為訪赤松子因過白
雪齋花疎風入檻竹壓雨浮堦坐對談玄侶能
忘羈旅懷

揚帆渡高郵湖

水國侵晨發微茫上碧空榜人颺怯雨漁父晝
眠風隔岸濤聲夾西湖帆影通因悲遠游子何
以祀龍宮

登寶應城樓望湖中

獨上孤城望蒼茫生遠愁歸帆笛極浦去鳥沒
中流雲氣全吞郭湖聲直上樓登臨感時昔如
滯岳陽秋

肥城薄金庭瑞姪廳夜集

故苑三秋別相看鬢半斑夜投肥子國宮到范
公山訟簡花庭冷官早草闕閑還常過葉縣飛

烏下鄉關



鹿城詩集

吳郡梁辰魚伯龍著

五言律詩

過李于鱗東莊草堂

草堂秋林內
若書常閉闕
獨開竹下徑
自看門前山
幽鳥鳴更寂
閑雲去復還
我來訪岑寂
長日得追攀

渡瀾水宿昌樂客舍

著天荒草舍
又馬一悲秋
落日下齋塞
西風渡瀾河
客程緣雨減
鄉夢入秋多
縹緲江南道
歸

NATIONAL CENTRAL LIBRARY, TAIWAN, R.O.C.

卓漱甫詩集卷三


西河卓明卿漱甫著

五言古詩

和古詩七十首

秣陵友人盛仲交寄我吳遊紀中有
 次五中丞元美古詩七十首自言三
 日而成余覽而嘆曰敏哉仲交也昔
 子建七步勃賦滕閣世稱敏捷今仲
 交摹七十字子凋辭繪句步韻興文翩
 翩颯颯才情其儷歟予因技癢輒忘
 誦蔓凡匝月而作是詩若云邯鄲失
 步東施效顰予又奚計哉

李都尉陵從軍



國家圖書館, NATIONAL CENTRAL LIBRARY, TAIWAN, R.O.C.

五言古詩 卷三 李都尉陵從軍

心托海波

九日早發古亭驛遇雨

陰雨值佳節
空歌行路難
黃花三徑泣
白鴈一聲寒
故苑登高處
他鄉立馬看
深秋多客思
佳句滿征鞍

北海送許生歸嘉興兼寄家信

穆陵南去路
匹馬向關津
紅葉村邊店
黃花徑裏身
誰憐還作客
送送獨歸人
如過吳門道
絨書慰所親

長干寺訪弘恩上人得潭字

袈裟逢竹徑
精舍一停驂
落葉寺前路
閒雲檻外潭
四花開白下
一葦渡江南
日暮疎鐘動
前山起夕嵐

明月菴送尹教甫歸廬陵得林字

他鄉忽相別
送君祇櫛林
長歌悲處斷
幽梵坐來深
高館引疎酌
澄潭開素心
秋風正搖落
况復共登臨

何又玄宅宴集宿東樓作

帝城還憶別
海上訪何郎
逸思春雲闊
清歌子夜長
十觴飛促席
一榻下空梁
明日休回首
江

干木葉黃

顧仲方席上咏燭得灰字

細剪西窓夜詩成刻漏催誰令珠淚盡卻使寸
心灰千炬重闌格雙蓮別院回月斜賓客散猶
記下樓臺

夜過英雲卿草堂次壁間韻

東下吳淞水飄飄興不孤宿雲迷斷岸飛兩度
重湖逸足尚留滯雄心定有無扁舟今夕會絕
勝刻溪圖

朱雲閣

傑構中天起虛簷宿夜雲軒窓朱錯落草樹碧
氤氳萬井夕陽合兩湖春水分登臨欲遺世坐
磬上方聞

昭明太子讀書臺

千秋思帝子此日一登臺帳似迎風落書曾待
月開文章尋斷碣蘋藻薦芳壘無限懷贖意春
山首重回

立秋日答張仲立

年少憐同調偷然實我師風款齋殿柳玉立謝
庭芝聲價留都重文章故國疑瓊瑤愧無報秋

日一題詩

同王養和惠山寺

古寺殘陽裏山雲覆殿陰講壇松作徑精舍竹
為林秋磬放清梵暮禪生道心泉聲時共聽孤
月夜堂深

憇高坐寺僧房得軒字

高臺開勝地層嶺枕文軒午梵出松際杳香疎
竹根片雲飛覺海孤月照空門回首禪棲處深
慚車騎繁

過茅山喜客泉

丹井方泉微傳言喜客來秋聲驚洞府雲氣現
樓臺翠草鏡中出珠花水底開慚予多濁濁今
得濯塵埃

游玉晨觀訪道者不遇

千載朱陽館凌虛玉殿寒鶴歸林鷲斲人去洞
雲殘池鎖卷龍水山開禮斗壇獨憐塵內客空
覓九華丹

沈道韋養痾楞伽山中兼簡王元靜

故人殊汗漫多病似休文行藥院中竹讀書湖
上雲鴈聯江漢影鹿趨洞林羣來往知同調緘

詩一問君

贈蔣冠軍屯兵海上

滄溟開幕府，戈戟倚秋空。
海色雲霞曙，軍聲鼓角雄。
書生餘劍術，大將得儒風。
曾見鯨鯢遁，扶桑擬掛弓。

海寇後因殷無美過張伯任仲方昆仲
宴集同限四韻

秋燕逢茲夕，孤城枕水涯。
狂歌催調急，醉墨入行斜。
簾啓風生竹，杯傾月在花。
咲談殊未已，林外起昏鴉。

登聖像寺泉石上人佛閣和黃丹巖韻
溪午寺鐘寂，開闕始過僧。
夜廊蒼蘚合，秋殿白雲層。
梵向樹中發，閣從花外登。
空門可忘世，托跡竟何曾。

聖像寺慧朗上人禪房和荆石王太史
韻

野寺溪橋隔，林深別院幽。
霧開寒殿曉，雲護石林秋。
古鉢多窺鶴，長松半掛虬。
明燈坐香閣，清梵足淹留。

七夕同王別駕用韋蓮塘泛舟次韻二

首

斜陽川上好風物水亭幽天上雙星夕人間一
葉秋芙蓉溪女折蕭鼓使君游愧我浮沉侶飄
飄似海鷗

蓮舟踰十里應得漾陂名海兩千村淡秋風一
夜生江妃和露浴巫女踏雲行日暮櫂歌發回
塘月正明

春日同皇甫司勳子循劉侍御子威黃
山人淳父張微君幼于集崦西徐公新
祠一首

靈境開遺跡祠宮闕簡書百年新結構三徑舊
禽魚酌酒流風遠像隕落日餘悲歌滯羣彥歸
踏曉鐘初

馮子潛歸自洞庭西峯夜過草堂一首
息杖草堂下中鷗生清芬一棹洞庭水滿身林
屋雲杪秋方憶我薄暮忽逢君浮跡定何似海
天風鶴羣

九日登崑山送尹教甫歸廬陵得金字
四載白門別淒涼遂至今黃花三徑老紅葉九
秋深東海故人淚西風游子心明年各鄉國誰

復共登臨

贈雲崖黃道人

縹緲雲崖裏花門對洞林劍飛秋岳近鶴下夜
壇深名寄長生籍功消不死心藥壚緣濟世可
是煉黃金

過玄智上人草堂次周若年韻

慧公禪定處樹底草堂閒曉影窓中塔春湖門
外山慈航未海上飛錫住人間日夕竟誰伴孤
雲獨往還

贈德懿上人得孟襄陽韻

年少支公侶湖山早悟禪花村和露乞竹座對
雲眠心出大千界身依第四泉清晨曲池畔洗
石種青蓮

後初上人山閣眺望次黃淳父韻

天際片帆遠僧歸雲水殘樹團茶嶺密門逼鏡
湖寒霧後草煙霽風移松影乾無言坐相契幽
磬落空壇

過吳嶺雲如上人房尋張幼于不遇

晦跡憐張仲讀書湖上出花移春塢靜門對洞
林間獨鶴向何處孤雲殊未還何時後來覩一

為破愁顏

楞伽別業

卜築近橫塘盤紆接上方四山雲氣合一徑草
花香白社逃元亮赤松歸子房端居足清曠禪
誦禮空王

過楞伽宿志弘上人竹林

海上飄飄客春春一放舟偶因蓮社會去作竹
林游山殿重湖夜風簾二月秋不緣禪榻淨永
夕竟誰留

贈玄壁上人

壁師鶴猿侶結構踞湖山遐矣青原秀頰然白
玉顏雪藏林際殿雲放定中閑何處逃禪客間
來數往還

朗公院次文子初韻

亭：：外樹即此是祇林掛處煙蘿合坐來蒼
翠深孤雲伴真隱壁月會禪心風落平湖夜時
聆松檜音

堯峰寺瑞巖上人院

前朝免水院創自幾千年古殿團松出斷碑分
草眠龍吞春洞兩茶供寶雲泉坐久欣忘世巖

花容悟禪

竹叢上人方丈

傑高祇林杪軒窓據翠微
湖光浮梵塔松露滴僧衣
金像花間出香雲竹裏飛
下方經院接清梵坐依稀

鶴亭詩贈法林上人

上人庭宇靜一鶴下空亭
煙砌避烹茗夜堂時聽經
風淒聲更遠露警夢長醒
指日西天路孤飛入杳冥

過許師鄉館

蓬蒿張仲蔚卜築近名山
寶剝千林外疎鐘一水間
棋碁香几靜花伴小窓閑
客去枕書卧春深獨掩闌

坐卧石軒悼松壩上人

徙倚舊游處凄然百感增
函經香蠹蝕壁句蘚花凝
曉座已無鉢夜堂空有燈
猶餘窗外石應化點頭僧

謝將軍荆山別業

將軍方謝武別墅對稜層
寶劍紫花澁素書蒼蘚凝
碁局秋洞容茶闌竹房僧
祇恐傳飛檄煙

霞卧未能

郭次甫自焦山過虎丘

故人江上至小閣坐朝暉滄海水在眼焦山雲
滿衣洞深屐履到家近十年歸此別又何處秋
空一鶴飛

贈法海上人

上人棲隱處一室伴雲閒燈閉殿頭螿鶴眠松
下闌鉢涵秋水碧初綴蘚花斑馬赴楞伽社春
深方出山

贈弘勝上人

盤紆白鶴澗石坐小橋通泉供夜堂月茶抽春
塢風劍飛雙壁外殿倚百花中相送虎溪畔偷
然似遠公

携酒東城草堂與殷無美莫雲卿別

尊酒茅堂夜清燈對掩扉誰憐今夕會忽令故
人稀小逕思雙別深林愁獨歸相期湖上月共
醉薜蘿衣

送安茂卿北游次來韻

草路夕陽曛扁舟動水濱離樽飛夜月去棹入
寒雲風羽寄孤影霜蹄看逸羣傷秋正搖落木

葉忍續紛

讀安茂卿芳草青萍二集賦此奉別
匹馬向何處西風旅客情春詞寄芳草夜鐫露
青萍賈傳書能上劉生氣未平塞垣君莫望白
鴈盡邊聲

同凌伯升南洲春泛

草綠南洲路輕舸密樹通鳥鳴千澗曲犬吠百
花中野店酒旗雨春畦牧笛風行游足權賞更
喜故人同

秋日慧聚山房送弘恩上人還長干得

僧字

海城黃葉下細雨發孤僧繩榻振秋衲竹堂靜
夜燈伴雲棲玉阜送鴈入金陵半杓曹溪水蕭
然似惠能

秋夜同殷無美莫雲卿過張仲立草堂
扁舟何處客高會夜相過逸興乘秋發清歌奈
酒何城連宵折近雲雜暮鴻多明日片帆去離
心托海波

王彛華結社婁曲英雲卿自海上投之
山城初結社海客獨招尋門枉九峯駕文深十

古心藍輿來栗里社鼓發楓林欲盡平生意淡
然開素襟

同秦四則季破山寺舟遠上人院

入寺踰二里野花明露田春橋自流水古木空
寒煙曲徑尚聞梵澄潭猶悟禪常公渺千載篇
翰至今傳

白龍祠

龍宮緲何代香火北山隈大海驅雲去空林帶
雨回砌醒春草合殿里夕陽開幾處夜泉急還
擬出洞雷

宿中峯

路轉中峰僻竹深山殿涼泉分齋後茗松掛佛
前香入座草衣濕出門花澗長若僧潭不寐徹
夜禮空王

同凌伯升登虞山上方得騫字

殘陽候已曠浩茫悲遠天扁舟西湖月雜樹萬
家煙風度劍門斷泉臨鏡殿懸夜寒星漢逼長
嘯欲孤騫

孫齋之齋中分賦柴儿得凉字

宴息烏皮淨端居白鹿香坐深南郭隱夢入北

憲涼秋倚風生竹宥携月在廊右軍書欲遍詞
翰見飛揚

桃花菴東流上人房

野田環亂堞山木構精廬門接桃花水憲翻貝
葉書塔浮新霽後鐘逼晚風餘莫道空林僻空
林好卜居

大弘寺大玄上人院

精舍山城曲門深竹徑斜鹿眠給孤苑鶴放通
林家花砌攢優鉢松塙闕昔邪市喧知不遠高
座演三車

鹿城詩集

五言律詩

沈嘉則自武夷來過濠上

幔亭縹何許千巖空翠屏
言從建溪水來過閩
閣城二月花中穢十年湖上情
劍光猶赫映愁對說平生

贈藥師院一方小行者

短髮初覆額僧儀猶未諳
從師歸藥院將命出
花菴偈轉試趺坐齋餘隨
放忝然燈向幽室背

地學和南

上方寺同玄俊上人坐流雲亭

淡煙浮震澤天入秋冥
香散楸中磬雲流河
上亭嘯歌爲海宮蘋藻薦山靈
回首九龍塢暮煙深翠屏

秋日行游過巴城寺和方崇陵韻

閒投湖上寺寶座識西方
溪轉重橋接門款雜
樹妨漁樵乘水出木杳通秋忙
別院經聲接歸雲出殿香

送本原上人遊峨眉

別自尋山去非關探雪來
慈航春水渡香袖野
雲裁寶相谷中起青蓮
石上開從茲過三峽休
愴暮猿哀

周若年石湖草堂

別業楞伽下煙嵐四望
通路連茶磨嶼宅近館
娃宮萬樹梅花月十山
木葉風躬耕遂感世盡
說似隆中

張伯任仲立兄弟讀書車塘僧舍

誰似君兄弟孤高雙鶴
岸行看祇楸並坐向佛
燈分殿鐸響春雨窓鐘
逗曉雲扁舟須載酒竹

下一論文

葉茂長句錫山過草堂見贈次韻

五月梁溪水積雲生晝寒問程蓬葉遠覓句筆
花殘青眼入門在素心持劍看侯家無足跡不
是賤馮驩

柳

曉日開妝閣千條散綺攏顰多亦為兩舞數不
因風蕭鼓隨堤曲旌旗漢苑中離人競攀折偏
在灞橋東

雪巖山

登臨訪陳跡草路立斜曛落嶺顰歌黛山花憶
舞裙井寒深落月烟里半藏雲千載興亡地空
悲麋鹿羣

過一雲山徐徵君別墅次韻

海客叩山館開軒禮數殊漁樵分塢僻冠蓋入
林無松路穿雲白花窓滴露未湍居多習靜任
論擬潛夫

玄墓雲関僧舍尋陸啓孫顧山父不遇
長日過經院松関閑鶴羣梅花湖上雪清梵竹
邊雲白社時投我青林不遇君幽踪何處覓空

寄買山文

嘆逝為吳興凌玄旻哭弟作

子歆悲大令一復慟靈妹霜墳荆推萼風嚴鴈
斷行松門留碣石芸閣散篇章千載勿與淚今
看折棟杲

贈唐主簿汝儀貴溪人

貴溪巖壑勝君住近林塘谷口野花發渡頭春
水香歸心清夢遠宦跡白雲長海邑多閑曠休
嫌是異鄉

晴泉

晴泉流不息屈曲細通源一派入花塢數家分
竹村投崖開雪竇觸石避雲根夜半空齋裏冷
泠清夢魂

過周蕩村正性菴定空上人禪房作

不到湖西久于今又十年梅花江上雪茅屋渡
頭船舊業近蓮社新詩寄草玄禪房偏隔水聊
借竹林眠

送王敬美赴都

吳門一斗酒送別臨高臺此日神仙吏飛鳴麟
鳳才星槎上霄漢玉珮響蓬萊相憶荆花樹春

風相向開

送范子高游洛陽謁先文正公墓

二月洛陽道獨行春草繁空餘南國淚來灑北
邙原舊業存詩禮他鄉謁子孫墓田雖寄祀終
有未招魂

送周長年再游河南

歲暮忽相見春深復離家每隨吳地月常看洛
陽花一水出關直千山向驛斜文游多故國莫
重惜天涯

仲夏憶周若年楞伽山居

五月清溪曲間門向塢開綠翻風外麥黃逐雨
中梅福宮水亭酌尋僧春寺來林居多勝事莫
惜歲華催

寄孫侍御夢芳遷岳州太守

曾為岳渚宮常見洞庭秋孤島南分嶽亂帆西
入樓高颺驅颼母春浪戲陽侯江郡非遷謫林
淹賈誼愁

華學士山池留酌

學士焚魚處林深常閉關休嫌三徑僻已得百
年間入檻風生竹滿池雲浸山巖居多習靜叢

桂足躋攀

寄唐王傅表履善歸卧海上

賈傳去宣室相水在茂陵一官甘棄置四海得
名稱世路豈中棄文章宮上乘從茲共高蹈蹤
跡寄林僧

咏畫眉鳥

繡閣簾開處妝成聞畫眉香中聲宛轉花裏影
離披帶雨朝猶澁迎風午更奇占山啼不住多
在夕陽時

初夏園居

齋沐清顏色圖書玩歲華薰風調燕乳池暖春
魚花宮造洪園竹僧留顧渚茶出深多勝賞應
似子真家

冬日出西郭過本源上人白馬潭禪院
僧舍對山色叢林紫翠重翻經來白馬問法得
黃龍搖露滴階蘚龕雲出院松不嫌禪榻冷杖
履日相從

送蔣景巖歸太湖

笠澤人歸去千山木葉餘曉村霜橘柚秋舫雪
鱸魚遠興分滄海孤峯落太虛君家倚林屋幽

勝迹何如

淮南小隱題金陵王正卿百花莊居
別業堪招隱千年想八公莊開三徑曲人在百
花中曉閣蔣山出春橋淮水通秋風任搖落自
有桂枝叢

雪後同華亭諸社友壽安禪院採梅得
尋字

迴塘三十里短棹放山陰夜渡九峰雪朝投僂
榭林空香徑竹冷疎影落谿深信是禪門寂題
詩許重尋

游干將山圓智禪林并訪楊玄閣杜浣
溪二山人

二月湖上楫春風送海涯梵音飛榭出殿影入
雲斜草閣楊雄宅花溪杜甫家從茲寄高蹈結
伴老煙霞

夜集孝豐鳳凰山吳十一中洲草堂
路入吳村曲雙峯紫翠森花分崇棗萼竹秀鳳
凰林社結五湖客文傾千古心草堂猶夜爽羣
從似山陰

登吳十二蒼山樓眺金鳳玉龍諸山

傑閣青蔥裏軒窓花霧濃曉林金舞鳳夜氣玉
盤龍篆遠多投竹絃疎半入松自憐滄海宮樽
酒得相從

趙真如慈竹林待月

蕭索洪園裏涼宵待月初誰憐鶯燕館別有鳳
凰居幽燭窺軒盡殘河入檻虛蕭娘禪悟處翠
竹總真如

甫里白蓮寺過戴四株茶合溪回因宿
僧房作

言尋甫里勝忽遇合溪船曉院閉清梵春池生

白蓮梅風疎竹影松火鬱茶煙永夕禪燈畔閑
將說往年

本源上人自峨嵋歸西林禪院題贈

峨嵋出西蜀步步疊芙蓉四月開山雪千林聞
夜鐘懸崖雪現佛偃樹朽成龍莫笑林頭衲入
雲應萬重

金陵邀笛閣待月思家

秦淮空對酒涼月映溪堂共喜昇清漢誰知隔
故鄉寒隨砧共急愁與笛俱長遙憶吳門夜秋
風起洞房

過玄墓謁萬峰禪師影堂見舊衣鉢
寒殿秋山裏林叢木落時雨侵獅座蘚風墮鶴
巢枝寺古有衣鉢堂空無住持松房讀書處猶
見舊題詩

王敬美自閩中從藍田路謁其兄中丞
公於鄖陽賦寄

華嶽西南驛藍關定若何亂山從地起飛樹雜
雲多休問商於路還悲楚些歌鵲鴿風外急征
騎莫蹉跎

寧儀封顏明府

長康江左秀理邑治河陰滿郭桃花水千村桑
樹林絃歌今日宰撫字昔人心北地多鴻鴈毋
忘惠好音

夜過海寧寺明因上人房得燈字

深夜叩蘭若經聲聞上乘為尋祇樹隱未過竹
房僧身悟無常影心灰未了燈海風秋正息彼
岸已先登

惠山禪院徹堂上人新造大藏經遂題
寺壁

路轉溪橋僻蒼松入院長閭門秋水近高殿午

雲涼新貯蓮花藏常函貝葉香眼前開淨土端
坐禮西方

何山詩贈何子

問爾何山住溪塘半虎丘夕陽橋外檝楊柳水
邊樓石座連宵到松房盡日留叢林多勝事共
約一春遊

過無錫東林禪院和胡侍御原荆贈南
宗上人韻

秋風吹桂棹一路入花源農圃饒未忝禪房連
水村妙香飛樹出清梵隔溪紫自愧迷方久歸

依得世尊

湖上精舍

誰構松間牖能容湖上山朝來清靄散夜半白
雲還鐘度鷄村遠柳收漁火閒莫嫌人事少世
路不相關

贈中南老僧

老宿經行處花開第幾峰空林每獨往絕壑多
奇踪茅屋夜深竹石門雲際鐘樵人稀見面洗
藥得相逢

飲酒

焦貢梅懽伯劉伶號醉侯一從彭澤縣三過岳
陽樓歲月此中盡勲名箇裏休試看雙鬢色不
為少年留

從軍行

茄管征人淚風沙壯士顏城連秦地窟榆徭漢
時閉幕渡黃河曲朝馳白狄灣營門望秋月夜
夜夢刀環

塞上曲

雪霽天山路風高見虜羣握竒新隊出轉戰舊
營分殺氣夜沉塞獵聲秋上雲單于欲宵遁知

是李將軍

蕭關

聞說蕭關北清霜近漢茄雲沉迷落鴈風起雜
飛沙蹄騎投營急游兵度磧斜匈奴猶未滅壯
士莫思家

贈石門管將軍

萬里樓船將防春瀚海隅斬蛟穿浪出射鴈入
雲無談笑秋橫梁悲歌夜擊壺妖氛淨吳粵轉
戰欲吞胡

柳枝詞

休唱柳枝詞，春深輕別離。
藏鴉偏婀娜，拂馬更參差。
樓外斜窺眼，窓前對畫眉。
灞橋攀折處，多在日西時。

早秋懷遠人憶彭孔加陸安道顧德育
草木更搖落，僻居多隱情。
懷人愁獨立，見鴈憶孤征。
雲葉裁難就，風江慙不平。
蕭條山館夜，辜負月華明。

東林精舍

新葉溪堂勝，林園草木紛。
霧深低醉竹，池淨細眠雲。
高閣連城起，疎鐘向水分。
更憐多習靜，長

日誦禪羣

閒居

平林澄夕霽，散帙慰離居。
竹密笋成後，樹疎花落餘。
朝酣田父酒，秋得岳僧書。
高枕北窓下，瀟瀟風月虛。

林中

寥落中林客，秋生薜荔衣。
山深人不到，松冷鶴先歸。
流水自來去，閑雲無是非。
端居足怡悅，甘與世情違。

鹿城詩集

吳郡梁辰魚伯龍著

五言古詩

慧聚寺上方和孟郊張祐韻二首

栢僧來殊方袈裟寄繩林夜燈照蓮枝風鐘落
松香古牒也野色虛窓引湖光西望吳王宮空
作麋鹿場

城隱山半出峰孤海全吞泉乳融石隙芝蕤覆
蘿根鷺湧煙際塔虹明水邊村殘雲東溟來乘
風入松門

過青墩禪院題古松

天矯巖上松托根在泉石枯皮抱蘚滋鐵幹入
雲直圍一挺翠蓋森列崇戟下有禪棲士蕭
然唯一室明燈禮運華開窓映空碧椽枝掛香
袖半帶青黛色有時天風來濤聲走虛壁世路
多嶮巖日夕坐叢棘何如長林下箕踞足宴息
始信徂徠山常筍竹溪逸

洞庭西山志兩上人乞廬陵宋中丞碑
文并華亭徐相公卷緣疏重建上方寺
同諸公作四首

吳王避暑宮僻在消夏灣兩山抱圓流清冷闕
迴環拓提臨翠微軒窓俯潺湲開創自李唐崢
嶸者難攀誰云千載後棟宇常推殘幽磬冷竹
院閒雲澹松閑金像兩剝蝕畫廊薜蘿斑寥
緇錫徒日夕愁空山
洞庭浮具區日月互明滅靈山據深秀禪宮近
銷歇宋公廬歡英前身是迦葉行田出花縣探
奇來洞穴遂起菩提心特憫塵世劫題詩寄山
僧移文勒林樾還招嶺際雲丹印潭上月誓脩
虎溪社悠々繼前楮

惠公南宗秀脩然出塵氛身似松受雪心如鶴
投雲慨茲叢林廢永念期一新遂乞中丞碑并
携相國文振袖別蓮宇持鉢行花村願使震旦
區俱締宿世因獅座後寶相龍宮轉全身坐令
笠澤波捨筏成通津
迷途何沉寘魔心久纏縛一旬歸空王世故悉
解脫上方千年刹今復構蘭若昔為劫中灰今
作水上嶽青林振法鼓紺殿響春鐸聽法未舊
龍巢枝得新韻湖雲俱清空山翠同寂寞願與
人世違空門永棲托

夏日張仲立貽示黃山人孔昭詩奉答
一首

炎夏苦蒸鬱茅簷火雲窟卑棲蔭藂薄何以消
煩憂時枉山人作清風忽見投芙蓉出淥水竹
樹鏘鳴璆既展漢上篇兼咏白下謳莽蒼洞庭
夜曠蕩金陵秋君本閩中彥芳馨夙已適浮雲
日分析無由致綢繆何年共丘壑蘭心寄滄洲
過吳安伯七兄長嶺山居以竹深爲客
處爲韻作
花源何遠迤林靜無剝啄渡嶺白雲長步入

深竹谷口日停午，
偃息投青林。野香襲襟裾，
坐來空翠深。春山無來人，
花暗楊子宅。悠然問奇字，
時有獨徃客。兩餘山氣紫，
四月如深秋。日暮寒蕭森，
林風不可觸。澗水日冷冷，
松間獨箕踞。邈流欲窮源，
更向雲深處。

寄儀封薄陳吉甫

落日大梁遠，長風吹柘桑。
黃河千里來，浮雲鬱莽蒼。
蕭蕭平臺上，曠古多慨慷。
故人江東彦，志氣何激昂。
詞林繡花萼，清廟登珪璋。
一旦遠行役，佐邑滯他邦。
訟牒日糾紛，逢迎事趨跄。
抱璞

剛卞和，棲棘泣仇香。
勳名會有時，志士徒悲傷。
願言勉加餐，民瘼毋相忘。

梧桐篇

梧桐生擘陽亭，何鬱紆下枝。
覆絕輕上枝，拂雲嚮鳳鳥。
巢其巔，聯翩將九鷗。和鳴應律呂，
毛羽含靈符。幽人貴有托，于此常結廬。
飲咏既高深，出處亦不殊。
閒中橫洞簫，清音與之俱。寥
高秋夜海風生，座隅願假升天翼。
游珮凌清都。

挽范牧之

牧之雲間鶴，孤潔誰能儔。
矯矯揚雲霧，悄悄羽凌

九州奇情起海嶽逸興兼林丘結友囊中彥跡
并心亦投歲寒托松蘿德音恒若留詎意明月
珠淪淵永沉幽冥冥滯膏肓一疾不復瘳昔夏
出天津飄飄若浮鷗桑梓亦故鄉存沒托孤舟
淒風飛素旌南逐黃河流四月當清和寒雲鬱
不收千里雜風沙一坏歸舊址孀婦哭里門孤
兒覓溪頭蛾眉衆所憐子獨為身死憶昔契金
石文執相枝讐看雲九峯巔美月三泖陬採
林中蘭意氣何綢繆琴樽無孤賞嘯咏時共鬪
風生竹中檻雪霽梅邊樓表郎擊燕筑莫子彈

吳鉤悠々百年內爾我無與侔詎意隔泉世一
觀遂無由絮酒奠空山涼颼起颼颼慚無季子
劍長號掛松楸願同林間鳥朝夕鳴相求勿去
反適牟心期渺千秋

寄王敬美叔時分守南康

我昔下潯陽逍遙入東林時探遠公跡惟見松
檜森迢迢出雲霄遙躋廬山岑聽鐘天池裏倚
杖香壚陰十月淒風來朔霰時見侵瀑布當西
南千峯杳難尋彭蠡空在望猶未諧宿心使君
居山陽公餘日長吟山館敲翠微星湖渺前臨

林嶺互昏曉禽魚見升沉有時曳杖屢松間携
素琴古寺始獨到層泉極幽深佳辰撲芳翰落
日催孤斟伊余久哀落靈境徒見欽何時後登
歷追隨盍明簪倘遇晨風羽莫忘嗣徽音

豫章西山詩寄徐子與

西山鬱爽氣紫殿開靈室清宵羽人集白晝鮮
雲翔鶴嶺飛香泉丹井注瑤漿縹緲瑤華青時
聞洞壑車使君天目來公餘思飛揚褰衣陟崔
嵬逶流入微茫羽蓋凌蕭峰霓旌耀鸞岡左躡
王喬履石挈洪崖裳撫劍睨八極高咏昇天行

文章繡絕壁罅鑿羅竹房歛跡慕湖海游心馳
廟廊昔余薄遊此秋風中鳥涼室登帝子闕欲
濟川無梁何時復未接飛珮同徜徉千林秀佳
卉共採蘭蕙芳悠々勞夢思靈境遙相望

題休寧程女義西野草堂

海陽多連山中峰更深秀二川夾瓊琅淙流折
還邁溪壑屢盤紆風氣復清茂近西地蓋勝迴
環見岸岫長林媚清紫野色鬱巖竇君子樂夷
曠築室象雲構藏書雜九流竹帛紛篆籀階下
澄清池炯左列層圓喬木挺千章勁竹森萬構

讀書日盤桓時有羊求叩高視渺鑄俎泛覽窮
宇宙嘯咏追羲皇雄詞麗紛繡哲人去已去林
穴儼如舊長歌大招篇山深木石瘦

新安閻君結廬潭上作

連山起高霧邃壑靈澄潭落春雲滋霏花
雨酣潭際多峻石天矯虬龍參中斷還後續迴
環森劍鐔山條構松廊築作逸士菴圖史紛四
壁游心恣冥探門前列魚磯鹿裘冒煙嵐芳蒹
汎浪紫清篁出雲藍枯槎橫釣艇籐花合朧簪
此中可忘世遐矣湘江南

鼎郭山人次甫惠匾竹杖

亭：匾竹杖遠產自殊方千重開鳥道九曲經
羊腸坡前春草短嶺外白雲長感君一相贈携
訪道遂場

撲菴

撲樹多春姿垂々小菴下新綠當麥秋清陰值
僧夏瑞后足怡曠煩襟自飄灑空林白日長始
信塵事寡

送屠長卿游上京


薄雲映涼月玉露零前庭游子當遠離起視河

漢傾海鶴唳青宮琴堂如水清政理日平簡三
載垂令名天桃遍春甸甘棠覆屬城倏忽會高
騫還與離思并回首干將山抑鬱難為情
朝旦發吳淞日昃不遑息征帆渺程期風鴻無
停翼連年溢離思猶幸今暫集誰云懽未竟岐
路倏已迫編懷忘年交握手念夙昔既深詞翰
賞更荷恩愛及懷惠慚未申披襟徒於邑
浮陽翳短景淒風吹我衣寒虫咽霜階寒蟬抱
枯枝驪駒戒征夫華旌耀城隅樽酒慘無懽長
歌聲止悲帝鄉去云遠咫尺昇天墀沉、隔重


宵相見安可期恨無晨風翰飄颻日追隨

送傅伯俊明府入覲

玄英屆歲旬日夕多寒風晨登金閣闌寥、惟
鳳鴻華旌耀城隅雙橈駕飛蓬躋宰茂良猷躬
已德業崇政理日和平治化碧海同擣藻挹芳
鮮孤潔紛蘭蕙多士日追遊俱在聲教中一旦
當遠離長歎氣何雄行矣昇雲臺游珮凌蒼穹
蜚聲滿神都羽儀入清宮帝鄉日翱翔神變不
可窮傷哉歲寒士壁立四座空蕭、陋巷居精
誠何由通



國家圖書館, NATIONAL CENTRAL LIBRARY, TAIWAN, R.O.C.



學
年
月
日

鹿城詩集

吳郡梁辰魚伯龍著

五言律詩

過周韜叔湖上草堂

僻塢入柴桑墟煙起草堂門臨楓葉渡家近藕
花鄉田父餉新霽漁舟歸夕陽清風竹窓下長
日咏羲皇

賦雨中黃葉樹得風字

疎林見搖落黃葉滿離宮况復空山裏那堪細
雨中蟬枝吟夕霽驛路下西風無限悲秋意丹

青畫未工

同丁南羽得寒字

積晦連高館山深萬木寒枝緣風後豁霽自兩
中殘思婦聞蟬泣征人據馬看林聲一夜急秋
色滿空壇

鳳洲詩贈孫隱君

幽人住何處宅在蓼花鄉塞鴈三秋至芳洲一
水長投雪來笠澤呼雨下瀟湘獨夜松窓聽寥
寥清夢涼

馬喙寺秀上人自武林天竺來談甚師

源公游五臺之勝賦贈

招提雙樹裏臘月叩禪扉殿火深僧梵林風脫
衲衣身從三竺住師向五臺歸英訝松間錫山
雲片片飛

題顧仲方秋林圖送陳素行歸杭州

蕭瑟秋林外孤舟一水涵寒聲栖鳥鵲夜色淡
松杉紅葉連黃葉風帆逐雨帆試歸湖上看多
在夕陽巖

攜李呂心文令泰興二月以婦喪掛冠

歸江南

西月辭官去南歸楊子船誰歌莊濮岳邊絕武
城絃解緩棲林麓携釵入墓田陶家五柳樹莫
拂鏡臺前

庸
歲暮西郊野望憶顧子諫居士貞杜子

茅麓繞黃竹空齋愁獨居荒郊去人遠老樹入
秋疎雪霽搏飢鶴水深護凍魚天涯有兄弟不
寄歲寒書

初春

小苑迎春入平林拂曙開花邊將進酒柳外臨

高臺覽鏡蜂兒破鈎簾燕子催東郊好風月結
伴踏青來

張仲立由桐廬往豫章迎太夫人於其
伯兄歸養

迢遶桐江道浮槎伴客星滿湘分水色巫峽類
山形曉樹憐烏鳥風原動鵲歸舟能孝養蘭
莊有芳馨

寄大石山岳東伯隱居

茲地川巖秀春深戀物華林堂覆竹葉野渡連
桃花廬霍仙人館瀟湘渙父家詎緣甘遁世痼

疾是煙霞

茅山道士館二首

羽宮青芝室
儂人白玉房
琉璃漿飲沆
瀣金籍開
琳琅靈雨飛
春殿游雲宿
夜廊瑤壇星
斗下時
進洞虛車

澗戶草青青
松巢墮鶴翎
壺空羶日月
柱古篆
雷霆玉殿禮
鐘鼓丹房貯
性靈雲深無
客到不
是洞常高

春日村莊過顧山父草堂

柴桑元亮里
蔬圃仲長家
一路石楠樹
半塢山

杏花出林沽酒慢
隔岸釣魚槎
信是村莊僻
端居度歲華

夏日山中

野性住茅屋
生涯寄竹林
探花移棹遠
採藥得
筐深積水入
夏冷孤雲當
晝陰
山中堪却暑
適
客
莫
相
尋

過蘇臺廢基

昔日歌鐘地
今看麋鹿行
濕雲添暮色
乾葉助
秋聲
遠
鴈
下
投
渚
飢
鳥
啼
向
城
興
亡
千
載
事
過
客
自
傷
情

吳少君自天台鳳宕來賦贈

別我吳生久言從甌海來眼侵瀑布水衣帶石
果苔露冕整還側雲囊結不開千重身上衲片
片野僧裁

張仲立雪中自陽羨歸投作次韻奉答

路岐誠可泣身世轉堪憎羽翼摧溟海文章卧
茂陵積陰凝朔雪指日渙春冰莫笑荆山璞終
看紫氣騰

寄居原明僧舍承居士貞投作次韻

避喧城市隔一榻寄松寮聽雨鎖春院看山度

石橋經函花下閱碁局竹中消不是耽出僻林
深自間寥

贈碧天明淨上人

碧天涼露下孤月映禪心破袖在祇樹妙香生
竹林鐘聲依剎迴燈影出花深永夜蒲團裏玄
言開道襟

雪壑詩贈如祖上人

道人蓮宇靜溪路入林重寺僻堪招隱村深半
倚農伴雲栖水竹踞壑聽風松二月春山裏看
花到幾峰

支泉詩贈思澄上人

支遁買山處，底階多瀑泉。
潭空和月墮，壑絕帶風懸。
倚竹分春塢，銜沙入暮田。
道人能習靜，坐聽不妨禪。

寫居原明精舍

地僻人稀到，春深日閉門。
路通脩竹塢，山帶夕陽原。
栽藥倚籬落，看雲坐水濱。
禪居能解脫，不是愛兵樊。

士貞復以前韻見招，遂同淨上人往訪，并此奉荅。

寄居禪榻靜，花木覆雲窠。
尋隱入深塢，同僧過野橋。
水明春樹潤，山霽暮煙消。
為憶頻相訊，從君慙寂寥。

分韻槐花送顧茂儉秋試

三公高位列，多士競攀躋。
儒市黃鸝簇，官街翠蓋森。
枝深穿袿戟，香細落沙堤。
秋榻清陰裏，看君躍馬啼。

同東溟管僉事少林沈太史宿寒山寺
水上前朝寺，庭開紫殿陰。
雙禪栖月近，孤磬入雲深。
薜荔山人服，蓮花淨者心。
端居思度世，踪

跡混祇林

同李伯遠登煙雨樓

渡水不二里已多鷗鷺羣微茫向空盡蒼翠隔
城分遠樹起秋色澄湖生暮雲興亡感千載吳
越一斜曛

奉酬卓漱甫訪西湖樓居

十日湖上飲春風亦可憐殘花空院雨芳草斷
橋煙忽枉故人駕兼吟秋水篇還期剡溪棹共
泛鏡湖天

同沈君典太史游法相寺圓定上人房

和周公瑕韻

結伴叩蘭若青林篲百尋鳥啼千磴曉霧宿半
山陰清梵出花遠空香入林深玄淡能妙悟共
有白雲心

賓梅詩贈楊李天寧寺炬上人

院落梅花下相看更朗然經行風外度趺坐月
中懸妙色空存相清香欲悟禪支公善分植應
買沃洲田

李春潘孟深園亭賞牡丹

園開金谷勝春色在河陽葉密見重影花疎聞

新香歌闌嫌夜短興到引杯長返照入深竹歸
雲卧石牀

憶明府楊肖韓

相思春夜永涼露正紛、夢入羅浮去梅花却
似君林猿空嘯月嶺鴈不投雲何日海南漲長
風伴鶴羣

過衣洲與凌伯升別

東南初掛席楚水鬱迢遙渡口過新雨江頭生
暮潮殘雲緣樹補斷鴈得風調海國故人去天
涯更寂寥

登蜀岡慈上方寺

招提盤郭北臺殿半雲層岡勢通巴蜀江形集
廣陵獨遊多為寺坐久半因僧揚帝雷塘路荒
涼倍可矜

平山堂

獨坐看山色蒼茫定有無草隨天共遠雲與鴈
俱徂海氣開靈境江形入畫圖興來歸騎晚一
醉酒家壚

淮上旅舍

旅館值長夏薰風四月三兼陰應護燕紙暖

生蠶蕙帳顏雖醜衣重不堪倦途多怫鬱花
路憶江南

淮安西城樓別蔡世鄉良鄉昆仲

春城聊引望湖上夕陽多去路休相惜浮雲奈
別何離人欲墮淚壯士英雄歌日夜江南北思
君托海波

渡江

芳草滿汀洲王孫已供遊千山來故國孤棹擊
中流波冷北歸鴈月明南渡舟周唐英相憶試
看大刀頭

泊京口

久客正羈旅宦歌行路難歸漢邗火急去多夕
陽殘孤棹帶新水野橋生暮寒壯心憐未遂提
劍背人看

奉和顧子實太史聖像禪房間居四首

深樹開蘭若優游歲月淹鶯聲流細簾花氣散
珠簾高視渺四海端居避衆嫌樓連聊進退不
是學龍潛

右院去人遠叢林世事遠花間青石塢竹底白
雲靡倚檻看魚出開簾放燕歸秋風開落葉天

籟發清機

曉館香雲細
秋花對野明
正憐向徑坐
却避入林微
釣擘清江叟
綦鏡別院僧
小樓祇樹庭
月夕幾入燈

離城三十里
風月已平分
竹殿明殘照
松澗入從雲
釣簾堪覓句
促榻會論文
況值高秋夜
向窓落葉紛


送顧茂儉入楚

飄泊向菊州
江雲送客秋
露花淒客淚
風鴈動鄉愁
念我昔年別
憐君今日遊
相思一尊酒
黃

鶴雨中樓

重送顧茂儉入楚

送子江南道
陰雲淡復晴
文從他國重
業向故園輕
芳草滿吳甸
孤帆入郢城
憐君堪下淚
不必聽猿聲



國家圖書館, NATIONAL CENTRAL LIBRARY, TAIWAN, R.O.C.

景文書行卷五



卓漱甫詩集卷七

西河卓明卿漱父著

五言排律十五首

送王武部贊戎廣中

儒官能好武 新命得專征
去路花隨馬 前江日耀兵
瘴雲迎虎節 鯨浪擁霓旌
別酒滄波濶 離歌寶劍橫
南中寄消息 遙聽凱旋聲
用韻奉頌大司馬胡公盪平海寇

聖慮勤南顧 干城倚大賢
中軍新有命 百戰

景自年

謔廣陵張

使君西園小亭

使君歸隱舊牆東
新築郊原百畝宮
精舍千年脩竹裏
廣池萬樹綠楊中
籠蔥煙幹芳園接
縹緲澄波別浦通
北轉嚴城開畫角
西來雋寺出疎鐘
連崗游騎穿雲白
夾岫春衣映水紅
我醉乘槎欲死去
海天南畔起長風

封少司馬


汪長庚監吳淑人七十壽

斑衣雜沓進華堂
謔賞筵開韻辟疆
萱草細含香霧潤
椿枝遙拂瑞雲長
春風繡戶調琴瑟
夜

月瓊樓引鳳凰
洞口桃花迎阮肇
雲中鸚鵡伴劍筒
陶朱亭了游滄海
萼綠仙成戲紫房
急數犀真來白岳年
此日進霞觴

送陳雨亭少師量移禮部郎中

十年三徑卧煙霞
亦秘南樓誦法華
繞舍久栽彭澤柳
沿灘已種邵平瓜
靜携書卷臨山閣
閑挈樽罍坐水涯
長日空篇花潤爽
殘宵僧闕竹窻茶
春回陋巷顏生宅
詔下東山謝傅家
前度劉生今未若
馬啼重看洛陽花
市



國家圖書館, NATIONAL CENTRAL LIBRARY, TAIWAN, R.O.C.

中華民國七十九年七月

鹿城詩集

六言律詩

聽美人彈琴

美人坐彈綠綺溪橋落盡梅花冷
月下指凝
嬌：風前髮斜乍似鶯來繞陌還疑鴈起平沙
為甚文園病客却在臨邛酒家

吳郡梁辰魚伯龍著

鹿城集卷之

吳郡梁辰魚伯龍著

七言律詩

七夕宴集分得旂字

天上燭龍迴赤馭
人間靈鶴擁朱旂
金風此夕飛香輦
銀漢今宵靜錦機
河角星移神欲渡
秋空雨過珮應歸
仙宮勝事還千古
堪笑浮生會面稀

漢武帝

秋風汾水鴈南翔
詞客當年宴柏梁
絳節殿前

桃獻寶金莖雲外露疑香阿嬌初貯黃金屋曼
倩新居白玉堂誰信而今茂陵樹夜臺煙鎖路
荒涼

甲寅感懷二首

離、木末黍半秋原落日煙中見曉痕吾世銅獸
荆棘滿石家金谷水雲屯白頭空作江南賦青
草誰招塞北魂時事驚心捲簾坐戎葵花落又
黃昏

滿郭繁華盡草萊金高亭下晚潮迴黍離故國
向誰問麥秀萋萋城祇自哀此日燕歸空有樹當

年鹿去無臺憑高一望千山暮零落碧雲天際
來已

公子

綠槐雙戟映朝暉二十功名冠帝畿上苑探春
飛玉勒長楊枝獵闌羅衣煙雲別館頻年醉花
月重門半夜歸甲第連城新尚主日高不怪宮
來稀

少年

侯家池館苑西頭柳拂朱門接御溝銀燭曉籠
簾外闌畫船春繫水邊樓花多不辨名含笑寵

濫誰憐字莫愁詎信長貧原憲宅桑樞蓬戶不
勝秋

五更劫韓偓體

隱、疎星度玉繩侍兒催醒思惜騰房廊昏黑
已無月簾幙分明尚有燈花外孤魂啼謝豹枝
頭儂翅宿韓鵬披衣欲送梧桐下露重風多力
不勝

夏日同文壽承休承許元復黃淳父陸
子行諸丈出新門遊黃天蕩觀荷花得
分字

鏡湖秋淨碧氤氳菡萏香來百里聞睡醒太真
初試浴夢回神女未行雲舞衣挹露紅愁墮宮
扇翻風翠欲分處、蘭舟載簫鼓江天歸去值
斜曛

月下水仙花

幽脩閑處月微茫秋水凝神黯淡妝繞砌霧濃
空見影隔簾風細但聞香遙墻夜靜黃冠濕小
洞秋深玉珮涼一跋凌波堪畫處至今詞賦憶
陳王

同沈元異乘虹橋步月

水城東下枕長橋澤國霜清海霧消銀漢秋深
靈鷲迥金盤雲淨蟄龍驕天邊帆落應投楸渡
口風回欲趁潮何處小樓褰翠箔月明人靜學
吹簫

同俞玄津重登杭州太守孫公新構太
虛樓瞻眺

汗漫來從海國遊傷心獨上庾公樓越王臺苑
空麋鹿宋帝園林畫土丘東去水聲偏向夜西
來山色不宜秋孤山一望惟荒草落日煙生杜
秀洲陵

孤山弔林處士

一庭寒雨鎖空祠孤塚淒涼向水湄自是先生
甘寂寞空令後輩挹光儀鶴聲常繞峰頭月梅
影猶橫竹外枝風景不殊人世異黃昏移棹不
勝悲

經釣臺謁嚴先生祠

嚴陵臺下江水清嚴陵瀨上江雲平丹楓橫流
谷口暗白鷺落日山腰明魚竿一綫非傲世羊
裘千年空復情箕顛高風獨心賞區區雲臺安
足驚

登風門嶺瞻望東甌時海寇未輯有懷

親舍寄皇甫別駕時子補
調處州

長缺歌殘曲未終阮生何必嘆途窮
尖中不解烽煙警海上誰專節制功
縹緲孤鴻哀柳外照微殘照亂山中
遙瞻親舍浮雲下一路西風直向東

自破桑園過鹿渡瀾南登小學大巖二

嶺作

南遊辭家幾千里踏遍海上諸山尖
蠻童燒山能種穀溪女汲井解成鹽
煙蘿時逢赤松子雲

路常隨白玉蟾千峯萬壑走不定飛流遙見珍珠簾

同朱黃門伯辰登滕王閣

城阿高閣藹朝氛簾捲西山望不分
鶴嶺泉流多作雨章江霧散半成雲
君王歌舞今陳跡才子文章舊出羣
午夜秋清九天近寥々鸞珮靜中聞

黃陵廟

黃陵廟祀舜二妃在湘陰北四十里

翠華一去蒼梧野千載蛾眉綠水邊
蕙帳鶴歸

翻玉珮土花烏集碎金鈿村旗獵、猶陳社岸
草青、半覆船賈客每來江上過祇將斑竹說
當年

屈原廟

寒雲掩映廟堂門旅客秋來薦水蘩山鬼暗吹
青殿火靈兒畫舞白霓旂龍興已逐峰頭夢奠
腹空埋水底魂斑竹叢、雜芳杜鷓鴣飛處
黃昏

題曲江樓寄周水部胤昌

樓即張九齡所登江陵郡城南樓

大江西接峨眉源荆南形勝虬龍蟠庾君土舟
事已眇夏鯨息壤名猶存風開長江颶母出雨
來三峽楓人奔秋來何處最腸斷渚宮不見黃
雲繁

荊州城樓瞻眺寄袁太守

故國淒涼落照明渚宮臺沼已浮萍西陵峽控
勾壘國南紀山通夔子城楚此有靈悲宋玉海
槎無路聞君平登臨是處皆陳跡極目滄波無
限情

讀孔明黃陵廟記

廟祀大禹治水時水神今在夷陵州黃牛
峽上荆湘之間黃陵廟有二其一則祀湘
君湘夫人於湘陰者也

黃陵廟下何年記讀罷懷賢涕淚新海內三分
宜定策隴中一出已亡身江開石陣非無恨峽
將兵書似有神千古文章今寂寞斷碑零落楚
江濱

十五夜監利舟中有懷劉王二將軍

劉晨已隔天台路此日江頭憶舊遊
蕭幙同時春試奕花鈿簇處夜藏蘭夢回
芳草池塘遠書

寄梅花驛路悄悄料得今宵明月滿
樓閣下按

涼州

玉樹瓊枝未足梅妙年風度冠江陵
花朝暖控湘城鹿春雪消飛草市鷹
翠掩紅房看掠鬢煙籠青殿憶分燈
玉簫一曲鸞與遠何日緱山一再登

同蘿村李中丞漢浦周水部登黃鶴樓

瞻眺得鈿字

鶴歸遠海定何年樓枕磯頭尚宛然
鄂渚風回千艦亂楚天雲散衆峰偏
昭王墓冷無青草吳

帝城空有翠鈿不畫江流向東去
斷雲殘照總堪憐

登小孤山謁神女廟

西來山色接匡廬壁立中流千仞餘
兩岸風平春溜緩上方雲去夜堂虛
孤鸞疑逐巫陽夢獸鶴空投澗苑書
明日開帆重回首碧霞深處是仙居

朱石磯弔李太白

停橈磯下奠椒觴草木猶聞翰墨香
飛燕已辭青瑣闥長鯨自上白雲鄉
他年有夢遊天姥此

夕無魂到夜郎西望長安漫惆悵
金鑿春殿更荒涼

金陵

羣山環遠帝王家故老千秋憶翠華
隱園陵浮紫霧重臺殿鎖丹霞長淮夜冷金陵月
內苑秋開玉樹花龍去尚湖仙馭遠何年還不五雲車

岳陽城見梅花寄袁荊州

麋子城邊幾樹梅春深猶自倚堤開
數聲塞北關山弄一騎江南驛使催
巫峽鳳來頻送日諸

宮雲去莫登臺東林僧舍應如舊樽酒何時得
重陪

因李元涇曉泛陽城湖望吳中諸山

玉露淒清遍海隅
畫船秋宴足尊鱸
雨餘水藻定深淺
風後浪花還有無
西下山形全侵郭
中流洲勢半分湖
醉來似識銀河路
直擬乘槎叩帝都

寄童少瑜

故人寥落滄江上
何日移舟叩素居
大酉獨憐窮雜俎
小山誰伴課班書
即淮吳門別久應無

鴈齋館歌殘未有魚
十載論文多間阻
年來逸思空如何

寄蘿村李中丞

時督湖廣州貴
皇木開府荊州

憲旌高處簇煙霞
化被華夷億萬家
銅柱南來連五嶺
錦江西下接三巴
荆門樹擁新開府
夢澤雲迎舊使車
蕭相功成未央殿
會看仙掌集宮鴉

送徐禮部任荊州太守

春署仙郎出守時
魚書新賜翠函秋
河橋柳拂雙旌遠
驛浴花明五馬馳
庾信江關還有賦
杜

陵巫峽久無詩公餘郡閣應多暇詞翰須看到
海涯

趙長白杜詩索余白芎出塞諸詞奉答
相逢不用嘆飄零自分沉酣醉英醅海上空憐
歌白芎匣中猶愧澁青萍從教庖庖芳塵轉誰
惜燈前俠氣橫從此相携謝浮世會看長嘯出
青冥

題斬州高大夫鳳山別墅八首

龍磯磯在中流上構蘭若勢若游龍
壁立中流見海峰半雲樓閣翠重重
曠隴旭日

開仙島隱約輕雷起蟄龍兩岸樹通春殿火上
方風落曉堂鐘盈一水遙相隔移棹尋僧不
絕蹤

江樓江水西下環繞樓臺

江雲飛處秋冥冥江樓無數秋山青錦城西下
接雲夢湘水南來浮洞庭隱隱濤聲響絕壁依
依帆影游清冷拋書盡日捲簾坐日斷湖南芳
草汀

仙臺相傳呂公于此飛舉

縹緲高臺上翠微懸崖壑掌尚依稀瑤壇此夕

人何處遠海當年鶴未歸月下數傳青鳥度秋
宮長見白雲飛出人住處聯仙籍佇看丹霄共
拂衣

禹廟神禹治水千秋奉祀
農林高閣遺靈儼然

古城深處構龍宮傑閣喬林廟貌崇山勢疎通
瞻帝力江聲浩蕩憶神功八年身世波濤外萬
歲勛名揖讓中築室今來儼遺像端居長欲挹
清風

蘭蕙

庭中草花多植蘭蕙
芳香馥郁玉樹扶蘇

佳人空谷抱清真香草春來處一採摘共傳

三楚俗出脩獨擅九秋名奇芬入座風初度素
影沿堦月正明盡道謝家多玉樹看君庭下更

嶺嶠

松竹

舍後松竹亭鬱蒼
高節清風歲寒不改

背郭堂開一徑深蒼松翠竹對陰森孤高已受
大夫職勁直還同君子心靜院盤亂風飄空
庭留鳳月沉一憐君不改歲寒操常春葉條秋
滿林

麟山

麟山北出玉邱中起
雲霞在望如對楓宸

麟山高處簇雲霞云是當年帝子家隱隱山城

圍粉雉層，樓閣集宮鴉。風來曲館笙歌迴，日
轉平臺輦路斜。白髮孤臣老，江上每瞻佳氣憶
京華。

馮浩

百里滄洲接縹茫，玄真原住水雲鄉。桃花雨過
連溪色，杜若風迴夾岸香。暮引漢舟來夢澤，秋
留鴈陣過衡陽。煙波不定悲浮世，卧對空江白
日長。

壬戌元宵得銀字

蘄山萬峰見嶙峋，魚鑰通宵闕紫宸。光滿雲蟾

疑放鏡，漏深風蠟灺銷銀。玉鞭競戲花間騎，綉
圍爭游畫裏人。始信禁城原不夜，誰知仙國有
長春。

顧公節園亭牡丹宴分得瑤相坐三字

面，金鈴護絳綃。畫欄深處見妖嬈，粉容著雨
疑含淚。肉色經風，凝放嬌元果。院中看未足，沉
香亭北醉初消。芳馨徹骨真奇絕，始信前身是
薛琮。

玉山佳處占春先，近構名園繼辟疆。步障競看
金馬麗，車輪爭走洛陽狂。新妝漢殿驕飛燕，素

質田家貯國香
莫道花神夜
多伴籠燈就月更
端相

移得仙葩自浴都風鈴四角
微流蘇開未牌上
占先後數遍花中
宜有無吳苑舞餘心乍捧
唐宮宴罷研初扶
還疑帝子來湘浦
簫鼓紛進
女正

鹿城集卷之

吳郡采辰魚伯龍著

七言律詩

夜同董子元葉順甫陸楚生莫雲所韻
茂儉管稚圭集沉開子館中以清夜沉
沉動春酌燈前細雨簷花落分得春字
高館淒清月色新天涯知己暫相覩座中慷慨
誰憐我海內交游不愧人曲檻梅花爭破臘小
池芳草碧回春一宵樽酒十年客莫向韶華負
此身

次夜同董子元陸子野莫雲卿沈子元
管稚圭譙顧茂儉西堂以吳絲蜀相張
高秋燕山凝雪顏不流分韻得燕字
華堂霜月淨娟娟把酒論心倍黯然白壁城笳
空收趙黃金臺廢莫投燕堪憐氣直追千古自
嘆風塵過百年忽漫相逢但酣宴夜闌休更說
龍泉

送董子元還海上舊林

頻年烽火廢桑麻此日歸來海上槎四壁煙雲
空變幻一庭花竹是生涯潯陽白社陶潛宅王

屋青蘿魏萬家構得漆園同傲吏晏然高卧誦
南華

周府崑崙公挽詩

當年飛詔下天闕孝著宗臣一代間馬上草書
傳北海殿頭詞賦憶中山崑崙取遠留鸞鶴向
塔雲歸下珮環何日凋笙同子晉長風吹送到
塵寰

張幼于百花山墓田

寂上寒廬張仲蔚蓬蒿滿徑入荒村苔深遠海
千秋鶴鴈約霜林一夜猿落木風前無限淚斜

陽原上未招魂春城水陸嬉游遍誰似宣山獨
閉口

虎丘上方因徐子與彭孔嘉周二暇黃
淳父王元美敬美送表魯望張伯起游
北京得如字

離筵向處上方虛極目寒雲鴈字踈江左久傳
推鮑謝鄴中今復得應徐雙駝驥里三秋後共
觀鷗搏萬里餘獨覓行吟乞吳市音書莫惜道
何如

贈周胤昌篋笛詩 甲子季春二
十二日作

余有篋笛藏之百年振聲雲霞追隨煙水
金華太守周君胤昌早通禪覺中後魔心
乃移志於音聲竟溺情於絲管遣彼孤鶴
竊我雙龍昔石季倫守嶺南以綠珠善笛
購以明珠故蘇長公咏笛詞云嶺南太守
後堂深綠珠嬌小堂不以器藝兼良人音
供絕也今君雖擅江左之韻長駭河東之
吼堂饒雜媵寵之專房念竊此亦奚為總
得之而終棄楚山之巔忽斲千尺柯亭之
肉竟亡二椽使我磻戶荒涼林房寥聞洞

蕭繹屢秦箏寡居嗟乎秦中郎之獲此實
慰初心桓子野之忘斯詎能無憾乃構四
韻餞爾兩生如異日千山月明重湖風霽
尋真緱嶺之上植子君山之側勿恆佳賓
逆忘故人也

年橫吹上高臺此日他家佐酒杯楊柳折時
千里別梅花落盡一春衰樓頭黃鶴游何處潭
底蒼龍去不回堪嘆婺州貧太守後堂深夜教
誰來

春夜禱願父過草堂明旦冒雨西歸陽

山一首

秉燭茅堂午夜游瀟瀟尊酒伴吳鉤孤城細雨
三春別芳草長亭二月愁送客又懸徐榻歸
帆空望李膺舟憐君放曠真痴絕應是當年顧
虎頭

送文休承丈之吉水

此地有甘露
鑑湖諸勝

驛路秋風急暮砧片帆南下水雲深吳中已徙
魚龍窟江右今開翰墨林甘露曉鐘如北固鑑
湖春浪似山陰登臨屢皆堪賞鱸膾休懸千
里心

奉酬金華胡占父過八詠樓夢憶見寄
扁舟曾記下江濱落日千山木葉紛楊柳折時
初別我芙蓉開處忽逢君帆歸八詠樓前兩夢
入瓊溪渡口雲努力加餐英相憶百年何地不
離羣

秋夕登北城樓有懷顧茂仁於南都奉
寄一首

緲，銀河一水通帝城北望氣蘿蔥宴歸十里
笙歌外身在三秋桂子中咏草祇堪投顧况債
春誰復問梁鴻江雲渭樹堪惆悵何事相思兩

地同

寄信豐俞子自

壬戌秋余游越中遇九河俞子自於武林
之僧舍相見握手如平生擬唱和湖山一
發奇藻不意踐東林開士約竟有金華洞
天之游重陽回自激水訪之寺僧而子自
扁舟已歸章貢矣凝許南雲不勝懸窓歸
吳門不數月而幕中諸公以尚書去位亦
皆颺散雲馳无一存者回首陳跡頓如夢
中追念昔游因寄斯作

江上逢君俠氣雄，羞同彈鋏嘆途窮。功名碧海三山外，世路長空孤島中。更亮層樓夜，月田文詔客散秋風。榮華飄忽能無定，莫笑游蹤似轉蓬。

游太山留別吳門諸君子

悲歌聲撼出江灣，偃蹇誰憐游子顏。芳草無情迷故國，白雲有路到他山。風塵歷遍心堪死，酒府歸來髮欲斑。海內弟兄應識我，臨歧不用唱陽關。

放舟留別童子鳴、吳幼元

蕭蕭孤艇繫浮槎，短棹輕帆逗淺沙。楊柳放時春滿渡，梅花開處客離家。十年飛夢關河遠，一日東風驛路斜。忽漫相逢總知己，誰云遠道是天涯。

舟次昆陵、桃花源、吳幼安、昆仲、携酒永慶禪林、訪同石上人作

滿郭東風芳草繁，鶯聲相送過祇園。一城春水斜臨郭，千村桃花亂曲抱。塵世何年離苦海，名山到處入空門。欲依惠遠林中住，慚愧疎狂兩酒樽。

姚元白布隱園

故人一別滄洲遠十四年中歲月遙
別館再臨芳草渡岳楊猶拂木蘭橈
玉簫夜冷留雲洞銀甲春風醉午橋
明日高舟過江去名園竹樹影蕭蕭

題吳芝山長吟閣次韻

傑閣連雲盡日閒
此人長日獨追攀
鶯花伴處終成市
車馬看來不是山
素帙畫披芸葉冷
湘簾秋捲竹枝斑
僊榻萬古銷沈意
我見長官飛鳥還

過朝天宮沈道士竹亭次蕭漢卿韻

尋真昔日遍滄溟
黃鶴樓中醉復醒
頰畔吹笙隨子晉
湖邊挾瑟叩湘靈
折葵松下心徒赤
看竹欄前眼更青
偶過山亭問奇字
中宵閱畫太玄經

贈揚州司理姚禹門大史私謨

玉殿仙郎駕翠輿
暫持旌旆下瀛洲
紫霄雲去九重曉
青瑣夢回儂溯秋
左降畫推新太史
量移猶得古揚州
公餘著書挾簾坐
二十四橋明月樓

謝淮安傳太守 希聲

五馬行游夾翠駟，課農飛蓋遍春田。任專刻竹
初分節，恩重留蒲不用鞭。誰道忽開徐穉榻，獨
憐遙送李膺船。使君舊族無人後，應是商家夢
裏賸。

酬范兗州 宗吳

漢節初持擢上游，東方千騎古諸侯。城頭嶺帶
秦碑直，門外橋分泗水流。道上鼓聲連北海，望
中山色對南樓。九重不是徵書滯，應似當年馬
寇留。
杜工部有兗州南樓詩

贈兗州別駕部吏部 大經

一入郊原聞政聲，仙郎心似玉壺清。春深魯國
新迎馬，花滿燕都舊聽鶯。誰道觀風后，岱岳更
憐移節到。任城請未，西值神明地，却笑長沙滯
賈生。

別李丘李太常 開先

中麓李公愛賓客，當年不數馬常門。峰頭暮雨
東山妓，座上春風北海樽。文翰翩翩傾內苑，聲
華籍籍動中原。笑談未了拂衣去，千古悠悠誰
共論。

燕青州副使秦使君鈞公署

使君節鉞駐青州地接蓬萊控上游日月每瞻
天北極風雲常護海西頭四部擊壤秦間咏萬
里驚濤座上籌深愧長途倦游客追隨談笑足
淹留

奉荅青州杜太守思

君侯已結束方騎上客常留北海樽滿郭秋聲
來瀾水一城山色對雲門夷吾事業今重見文
舉風流可尚存誰道他鄉忽相見今人無夢到
家園

同萊州太守錢同文游海神廟

千里相逢碧海隈天涯此地共啣杯遠山日帶
青螺出異國秋從白鴈來環島旌旗迎浪起凌
波貝闕對天開試參游佩羞牙濕疑是人間行
雨田

蓬萊閣望海贈李登州 賦

邊關一上思漫漫水到滄溟覺更寬臺殿東開
見蓬島煙霞北拱識長安屢乘霖霽生城郭鵬
向秋風奮羽翰為訪雲中謫仙子試隨飛旆一
騑鸞

同衡王教授嘉魚李端暘登青州城樓
西來黛色向城分
搖斂酣歌日未曛
兩地自能憐契誼
百年休更惜離羣
征鴻遠送天邊樹
獨鶴還歸海外雲
惆悵今朝一樽別
他山何處更逢君

落日青州城樓別嘉魚李端暘

憶昔扁舟下巫峽
會上嘉魚未壁磯
七澤雲深秋草合
三湘風急暮帆飛
西江自別空流水
北海誰憐共落暉
愧我淹留今獨往
問君何日得南歸

季秋宴繁露園別董孟才

林堂樽酒日燾微
獨宿秋深尚未歸
海外煙霞能自好
天涯兄弟似君稀
風驅塞北新來雁
寒入江南舊寄衣
明日回看歌舞地
山城唯有白雲飛

歷下逢洋山凌丈重入布政臺

紫泥重捧丹霄詔
滿郭香雲逐年換
時雨忽霑枯槁後
春陽復布晦冥餘
曾鉤海外烽煙磬
誰上江南水利書
擬仗吹嗟上天去
梁鴻無令欲何如

重登兗州城南樓

原野蕭條白日陰，高樓重上欲沾襟。
城臨闕里暮雲合，殿沒靈光秋草深。
塞雁空飛千里翼，羈人猶滯一年心。
少陵去後無消息，祇有篇章福至今。

再贈李于鱗

短劍匹馬走齊州，滄溟先生還黑頭。
隱几久如南郭子，種瓜今作東陵侯。
抱膝長吟宜永夜，閉軒獨酌多高秋。
世人相聞不相見，空指雲中白雪樓。

送周庫部母舅之南都

東風畫鷁出天津，鳳詔初啣下紫宸。
梅放江南春信早，鶯啼白下曙光新。
十年折桂無僂士，兩世看花第五人。
誰謂甥真是舅，至今孤劍走風塵。

張給事見過不遇作

故人新插侍中貂，窮巷頻過慙寂寥。
張緒久稱春殿柳，梁鴻還住伯通橋。
近臣草就傳金馬，烈士蓬飄愧寶刀。
為探梅花不相值，夜窓愁坐兩蕭蕭。

金陵中秋倪公甫宅共金立衛康裕所
項勣章讌得旗字

十載論文宦海內
天樞握手共心期
尊前漫憶盧家婦
座上爭飛楚客詞
鷄館燈殘開夜鐸
竹鑪香暖闋春旗
由來江左多文考
折盡青楸樹

登鳳凰臺得山字

江左文章猶我輩
高臺此日共躋攀
九秋風物寒流外
六代興亡夕照間
草際煙深黃菊寺
城頭雲亂白門山
登臨萬古銷沈意
惟見長空乳

鳥還

重登鳳凰臺總叢桂菴得三字

偃息因過叢桂菴
高臺對處鎖煙嵐
重闕已見一百二
問法未參五十三
猶憶新亭愁向北
漫隨弟子學和南
登臨自有千秋思
不是幽人認
冥樛

丁卯冬日過周蕩村別業其玉堂弟夜
坐作

先人別業滄江畔
四十年餘一度來
楓葉周霜臨岸盡
草堂落日而湖開
漁歌待月前村起
鴈

陣驚風隔浦迴自笑明春同半百梅花殘臘莫
相催

折梅贈俞韓臣赴雲中迎婚陳參軍幕
俞郎玉立正年少萬里尋婚赴舅家華燭迎時
銷燠火笙歌簇處雜胡笳江南已發來禽鶯塞
上新開中在銜歲暮天涯莫惆悵一枝春色在
梅花

鹿城集卷之三

吳郡梁辰魚伯龍著

七言律詩

奉答青州兵備副使慈溪秦使君劬
海鴈南來帶夕曛，絨書千里寄殷勤。
風塵短劬能憐我，夜雨清燈忽夢君。
花嶼湖頭誰對酒，白雲山下獨看雲。
相思只隔錢塘岸，兩地空悲一水分。

送殷無美鄉試游南都

河橋別酒帶芳樽，一騎瀟湘向白門。
曉月初開

揚柳岸秋風先到桂花園
擁疎赤驥心逾奮
藉晚蒼鷹思正翻
九月長干好雲物
會看霄漢一孤鸞

春日同王明府登卧雲閣

高閣開樽坐夕暉
萬家煙樹近霏微
遙看靈鷲峰頭出
俯對紅鴻海上飛
野客敢追環珮侶
使君能伴薜蘿衣
當年子晉猴山路
又見笙簧月下歸

月下同王明府坐鳳凰石次韻

石上題詩誰第一
江南傲吏洛中豪
鶴歸洞冷

春雪閉鳳台
山空海月高
孤堦冷、素絕
群長松落、起寒
濤夜涼天
籟屬霄下
願附仙踪
穗玉礫

周評事有一左遷句容令奉寄一首

故人別去滄江遠
回首雲霄更渺茫
傲吏移來
逢未縣仙官
謫去住華陽
三秋鳧鳥神都近
五月琴堂流水長
江左功名誰第一
遺風今說小周郎

徐子與使君之任武昌奉寄一首

使君節鉞臨南楚
此日滄江起
螭龍煙鎖故園

青薜荔秋生新
鐫紫芙蓉久推徐
勉風生羊獨
咲梁鴻老債春
欲覓荆湘舊游地
雲深何處得
相從

題王君載青城草堂

隱、空林豹霧呵草堂
新構擬青城門隣丞相
祠邊楹座滿浣花溪上
鶯湖水聲中分嶽影海
雲深處得山名休將萬里
論吳蜀近得王郎似
長卿

奉寄分守金華張廉江給事

昔年趨陞侍宸旒
今日移旌駐婺州
鑑上千秋

唐左相功成萬戶漢
留侯觀風喜泛優溪水坐
兩秋題八咏樓閣說黃郎
石羊在公餘應向洞
天游

己巳仲冬十二夜孫齋之殷
無美莫雲
卿張仲立兼顧茂儉齋中共
得心字

城頭流轉月移陰
短燭匡簷霧氣侵
澤國扁舟
千里玄夜堂孤釵
百年心論交詎以窮
來薄惜
別偏于醉後休莫便
凌晨各分散他時應
不共
雲林

江上逢齋之回無美雲卿茂儉君載仲

立共限四韻

金陵回首縹雲煙三載重逢倍慘然風景渾如
竹禊日為章不愧建安年雄心未死還俱奮塵
世誰容祇日憐他日青霄多死輩如尋芳杜鵑
江邊

送王元美叔赴晉陽

四十東山甘獨卧乞休未許復承恩秋風送藻
死汾水曉日行旌出鴈門趙地經營推李牧漢
廷忠毅得王尊仁聲自是通靈豹會看陽和度
塞垣

王別駕潘治中泛舟蓮陂限得疣字

山城幾曲遠塘路策杖斜陽蕩槳游孤影月籠
清露冷暗香風斷碧雲秋雪和殿襯潘妃襪仙
掌峯聳太乙舟尋得玉頸應於取座中英認是
花疣

毛德甫學博抱病齋居作詩奉訊并啓

德甫逸翰鴻翔猛氣駿發孝款昆弟誼滿
鄉閭畧迅康莊之衢定躍青霄之步詎意
早淹賈誼老困馮唐彈鋏推侯烈之膺吹
簫墮英雄之淚然終養入官奕超毛義而

窮年訓詁酷類毛萇西曹賜几久無魏太
祖之禮賚南楚脫囊又乏趙平原之談士
聰明宮已委之薄命富貴不甚鍾于多才
江東舊夢空生彩筆之花歷下新篇徒注
青繡之兩室存木榻蕭條實勝于幼安歸
梅竹松僻陋更貧于元亮抱病琴室行菜
芽堂媿腰漸削沈休文滴渴未蠲漢司馬
優游歲月棲息丘樊蒼苔愁破不敢投故
人之車紅葉可題聊爾餽新秋之句冀紆
愁抱庶慙友生謹啓

堪憐斗室畫樓高誰識先生研獨醒孝養清朝
慵捧檄訓詩白首尚窮經楚庭當日開囊賴魏
殿何年賜几屏莫道抱疴常杜客故人相見眼
偏青

廬陵尹教甫信至石城奉寄

寥落江城鴈字疎故人何地問離居三秋又脫
淮南葉四歲不通江石書久別肯忘初別處憶
君多是夢君餘

寄倪明府功父

翻、公子帝城雄曠達猶餘江左風故國春深
歌玉楸平康夜牛秣青驄當秋對酒清溪側坐
兩分題小閣中忽憶白門相別處兼、一騎車
橋東

寄龍江沈山人

門臨花月秦淮渡滅跡清溪養性靈南國酒杯
憐嘯呼西禪雲樹憶丹青閑從陸海尋瓊島臥
對江雲挹翠屏聞道秋來更強健坐看南極老人星

庚午中元日悼故姬胥雲房

此夕年、常待月簾櫳開處共徘徊魂死神吟
悲修竹人去蒼空笑落梅遊珮有靈歸洞府新
鴻每路入泉臺蕭條又值中元節獨向秋林酌
一杯

中秋夜泛舟石湖聞王別駕亦有玉山
之遊賦此奉寄

織雲洎盡一輪空此夕人間萬里同廣殿冷侵
蟾窟露澄湖香墮枝桂風帆櫓縹緲游天外身
世分明落鏡中遙憶仙都珮環吏應騎獨鶴上
崆峒

送辛子瑞新安辛善

浙、清霜楓楸林送君南下海
颯深青萍拂水
憐三尺白嶽攀雲立
幾尋痴絕虎頭工
畫品優
游犬于托琴心相逢未久便
歸去尋酒夜堂開
素襟

西禪寺訪吳少君玄鐵

玄鐵道人吳少君
翩翩、中袖何清
芩月中纏緲
江鴻影風外孤
高海鶴羣倚杖
來沽吳市酒
解衣猶帶石梁雲
誰憐游息傍
蘭若坐聽鐘聲到
夜分

武林俞仲彛叔懋兄弟訪草堂作

不見故人今八載
草堂還訪薜蘿衣
紅顏自媿風塵變
青眼獨憐兄弟稀
晚砌西瞻瓊樹立
春原峻覩鵲鴿
兔何時再結孤山社
同伴西湖釣艇歸

春霽雨亭陳太常虞山西溪泛舟誕集

細雨西溪一放舟
上方嵐氣未全收
寒梅影落孤村小
柳煙疎二月秋
詞客蘭芳凌楚畹
美人遙唱合梁州
使君不愧煙霞侶
直向滄江共醉遊

哭李于鱗二首

蕭、不注山南路細雨孤村憶別君刻棹還期
重泛雪帝鄉何事使乘雲千秋北海青樽獨一
夕中原紫氣分極日三湘悲楚些傷心忍誦大
招文

當年足馬走齊疆猶記題詩過草堂岱岳雲霞
原有迹長河波浪已無梁青衫獨下江南淚白
雪空吟海右車何日山莊重繫馬楓林尊酒對
斜陽

陸格孫韻山父過草堂作

山城殘照柳條疎何處扁舟聽索居甫里詩成
追魯望武陵花老憶秦餘風塵末路誰傾蓋歲
月空山對著書明日片帆歸笠澤西風木落草
堂虛

哭北溪華丈

不見故人今四年林堂雲物尚依然屏間落月
閒歌扇濠上秋風失畫船檢翰每餘清夜淚抱
琴常對白雲眠片帆東下莫回首極日孤鴻悲
遼天

武林張玄通過訪作

扁舟東入海雲長何處乘春過草堂洛下義聲
推劇孟獄中詞翰憶鄒陽音塵隔歲常辭越風
雨徑秋尚渡湘回首豪雄後誰在新安松楸更
荒涼胡尚書也

初夏因諸友東林讌集感仲文以兩京
賦見亦因送之還金陵得泉字

故人別來今五年相逢高館得平泉文章又見
兩京後聲價還從七子先白日共傾吳市酒滄
江猶繫秣陵船送君歸去鳳城曲回倚桂枝秋
月圓

哭王君載二首

癸酉季夏君載北游金陵舟次城南移書
別我匆匆西去不十日竟沒於郡之姜隗
良友云亡傷如何也漫賦二詩以申宿昔

金閶渡頭日欲曛闔閭城下愴離羣空憐困蝶
游殘夢倏見孤鴻沒斷雲海內是誰終識我人
間何處再逢君倚樓已自傷心日忍誦屏間舊
寄文

南郭移書無十日忽傳旅視過河橋宦齋人墮
千秋淚落月魂隨百里溯早歲又驚鶚入楚幾

時重見鶴歸遼海天無限瀟湘意擬向滄江賦
大招

邵孟堅游淮安久為五嶽陳太守所招
奉寄

芳草萋萋客倦游淮南木落滯歸舟山開叢桂
堪招隱釣入滄浪憶故侯曉日題詩洪澤館秋
風醉酒宴花樓山陽太守陳蕃裔下榻應知永
夕留

初秋送周芝孫游泰山兼寄歷城令王
伯欽

岩荒海岱別來久七載玄林夢屢通三觀自臨
青漢外五松猶記翠微中詩成歡麓千山夜人
取蓬萊八月風遙想王喬共飛屐江東能復憶
梁鴻

寄聊城簿盛贖甫

聞領簿書兼治水知君原是濟川才舟通南國
乘春發樓倚東城向嶽開吊古應尋巢父墓望
鄉疑上魯連臺河莫道書難寄常有征鴻北
海來

寄王松雲儀部二首

風塵誰阻江南北
去住無因問索居
曉蝶空投千里夢
霜鴻不寄兩年書
持杯澤國寒流外
檢翰蕭齋落日餘
聞道閉門多著述
茂陵未許老相如

山城風色起樓鴉
倚杖懷人到日斜
梁苑竟誰同賦雪
吹臺應自獨餐霞
暫辭彭澤聊栽柳
肯向青門便種瓜
別後相思倍惆悵
山深無驛寄梅花

愁慧聚寺上方懷明如朱比部
諱孟震新登人
風物淒清憶帝鄉
鐘山當戶曉蒼蒼
匣開夜鐸

青萍色宿寄春詞
芳草香玄武
湖閑容傲吏
白雲日冷滯仙郎
短書欲達江關隔
畫日尋鴻到上方

送曹子念游燕二首

不是青林謝薜蘿
帝鄉聊共白雲過
黃金久鏤燕臺骨
寶劍還傳易水歌
澤國寒深春草短
長河風闊暮帆多
渡頭斜日送君處
一曲陽關奈酒何

海上頻年長索居
天涯處處是吾廬
宿閑侯館憐彈鋏
可對空山久著書
楊柳河橋春別後
梅

花驛路雪消初倦游莫道相如用會看明玉覓
子虛

楞伽山房梅花下有懷顏茂儉張仲立

王世周

草堂北畔楞伽路幾樹梅花向水湄滿座暗香
侵竹葉半窓殘影雜松枝客來東閣詩成夜夢
入西湖月落時最恨山深無驛使臨風何處寄
相思

送趙及泉任常德節推

曾覓武陵溪上路始知果有避秦民數家茅屋

靈雲洞千村桃花夾小瀆耕鑿似非常世跡桑
麻還是往時春使君時有觀風暇想得沿流一
問津

送王子忠任龍南令

千里煙波一葉舟宦游今得古虔州行田苗峒
乘春入閩俗鷄村永日福五嶺北來青嶂曉三
江南下白雲秋夙聞山驛梅花早不惜相思寄
隴頭

冬夜莫雲卿携妓讌故相國顏文康公
南堂同李文仲張完甫陳仲甫張仲立

韻茂仁茂儉分得梁字

霜月淒清海氣涼誰呼詞客滿華堂梅花放檻
陽春通竹葉傳杯子夜長舞罷香痕留綺席歌
餘塵影下空梁江東氏族多羣從誰似風流顧
野王

鹿城集卷之四

吳郡梁辰魚伯龍著

七言律詩

送殷無美社丈游金臺

青山蓮社畫推君才子風流洛下聞
滄海明珠誰正儗燕臺駿馬獨各羣
斗間虹綵儼龍釵天上春開五鳳
宮見說漢庭徵異士此行不負董
生文

寄禮部王敬吳叔

畫省春闈碧樹森仙郎聲價比南
金畫趨行駿

花枝暗宿直齋宮刻漏保窠釵盡中酬俠烈文
章海內冠儒林憐余寥落滄江上對月空懸千
里心

夏日同秦汝立談思重登錫山王氏九
峯閣

傑閣憑虛共一燈軒窗四面對峻嶒幽深林館
疑金谷屈曲花源似武陵山氣侵簾多作雨簷
風入在孤銷冰帝鄉擬便乘雲去塵世擾迷悞
未能

送汪子建出盧龍塞謁戚大將軍

紫塞沙深驛路迷三河北出薊門西王孫休對
蘼苕泣征騎空啣首霜嘶宴罷臨風船止起歌
殘落日釵初提幕中誰草陳琳檄試看書生倚
馬題

胡原荆侍御言事獲譴解官南歸寄之
一紙封章玉陛寒千秋誰遇聖恩寬明知觸檻
生非易總得投荒死不難忍見烏辭新鍛羽笑
驅驄脫舊狂鞍男兒事了拂衣去且向桐江覓
釣竿

送王京兆鶴歸關中

散誕投簪去白門歸時惟有竹松存
終南巖谷開文社杜曲煙霞伴酒樽
晚日看花元果院秋風走馬樂游原
壯游何日函關道一馭仙人紫氣軒

同鄔汝翼茅平仲陳從訓登潤州城樓

晚三山得吟字

鬱鬱危樵徠百尋三峯森列枕波心
樓臺盡結蓮花藏鐘鼓爭開祇樹林
風後海帆東下盡雨餘山翠北來深
濤聲萬里向何處落日時聞龍夜吟

焦山尋郭次甫不遇作

海鶴孤飛靜掩扉傍巖精舍路依稀
萋萋城霜冷鴈初下澤國秋深人未歸
松際空隨黃石去山中惟見白雲飛
江流不盡西來意空自尋僧坐翠微

寄送蔣兵憲夢龍分地荆岳

渺渺巴江控上游送君持節向南州
綠林山接在當黃牛峽在夷青草湖通州在岳白馬洲在澧
陽府風清殘角冷蠻方秋淨瘴煙收
鄉關在望空相憶長日休登庾信樓在剡州

送岵嵒張中丞公解職自南都歸蜀
白門解組氣蕭疎江上帆開二月初蜀道雲深
淹駟馬楚江人遠憶猿猴棲遲休向叢生卜寂
寞空憐楊子后歸去登臨想多暇青城山色近
何如

憶登岳陽樓寄孫岳州

夢晉

曾向岳陽樓上醉天風颯、水冷冷、休論賦就
誇雲夢猶記開帆坐洞庭吉日揚枹追楚些秋
宵扶瑟弔湘靈憑君試望湖南路應見煙中沙
草青

哭升菴楊太史

日斲琴臺愁落日茂陵空鎖著書園肯辭新殿
將頒詔為飲先朝未了恩舉世畫傳滿岳誅何
年招得屈平魂滇池北望千山隔直向青城紫
氣昏

草堂寺

山中人去流風遠千載還餘舊草堂鶴影空憐
樓露冷猿聲猶自出雲長曾聞谷口迴逋客後
見林中住法王不道禪宮亦銷歇至今煙樹獨
蒼蒼

登孝豐吳十一長林閣

峻峰削出青林間，翠微亭館白日閒。
曉月斜移樹中闕，春流曲抱門前山。
幽禽銜人墮竹砌，蒼鼠竊食窺松闌。
我來醉酒臥死去，天風颭、非塵寰。

泊舟金山酬鳳麓姚太守

風標誰似鷓鴣，犀鷁逸翰翻翻玉。
不為傲吏考編高士傳，隱侯今誦法王書。
詩成孤嶼江雲下，夢入長干曉月餘。
倚棹思君倍惆悵，篇章何似獨憐十。

秋日金白嶼許石城陳橫崖胡秋宇姚

鳳麓携酒邀笛閣，燕一首

當年孤舫曾邀笛，此日羣公樂考槃。
歌罷江深抵葉令，詩裁漏下筆花殘。
石城又見三秋節，白社還同十日權。
閑住清溪畫詞宮，浮雲今古一凭欄。

聞北虜款塞寧虜龍威大將軍

萬里車書紫塞通，誰將儒術領元戎。
轅門鼓角蒐田外，幕府簪纓揖讓中。
燕罷暖消吳帳雪，耕餘春捲漢旗風。
炯王若畫麒麟閣，當代邊臣第

一功

同錢功甫遊元美叔山池

斜日樽罍竹裏消。鹿裘常繫頓川瓢。石林風細
秋蕭瑟。澗戶雲深夜沈寥。渡口花灘堪繫釣。人
間樵路不妨樵。叢居自是能遺世。豈為逃名遠
市朝。

趙太史恩謹放歸虞山寄贈

抗疏金門惜未收。且將吾道付滄洲。孤臣今似
野雲薄。聖主恩同春水流。西洛犬歸尋吠鶴。南
華蝶醒笑犧牛。莘莘自合多疎直。豈為虛名竹

簡福

寄大梁王禮部

相思南北感飛蓬。六載寒心夢未通。誰遣蒼英
歸洛下。可堪詞客老江東。黃河水激三秋鯉。紫
塞秋高八月鴻。莫使音書兩沉絕。閑山常見月
明同。

寄沈君典脩撰

丹霄遙見午雲翔。敕賜初歸白玉堂。御酒秋分
仙掌露。宮衣夜襲鬱金香。已聞應制傳花萼。誰
似廣歌冠柏梁。能念畸人老江左。雕蟲摘後舊

篇章

寄馮開之內翰兼憶范牧之表維之
秦淮渡頭八月別相思動是隔年期
鷗風翻拚雲海又見雲韶出鳳池
夢裏揚州構杜牧山中習靜憶
王維慚予落寇休相訊日更沉
淪倒接羅

寄學海顧內翰

禮樂千秋遠聖代簪纓三世襲
清芬院中已撼風鈴索海上爭
傳露布文應制定誰雄翰苑窮
經還自憶禪犀青霄洗後關河
阻空咏江東日

暮雲

丁丑九月風雨因魏叔遠泛舟石湖過
周若年草堂聽妓彈琴

倚棹清秋一浩歌行春橋畔問
漁蓑重湖風浪誰人渡九日林塘
奈雨何流水臨階侵綠綺遠
小依欄拚青蛾由来江左稱
傷俊爭似周郎意氣多

送汪仲淹游金陵

河橋欲放秣陵舟風景依然
六代秋飛閣寒隨煙樹出
大江高抱石城流青山對酒
應相憶

筆裁詩羨獨游英
向鳳凰臺上望
浮雲千古總堪悲

次中江莫方伯丈病起韻

浩居物外見孤清
長日雲林獨養生
庭際競紛荆樹
夢欄中
滿放茱萸莖
鴻乳絕塞心逾遠
鷓馭高風羽更輕
只恐微書下霄漢
東山好起蒼昇平

過陳太史伯求閩中

歲寒木落叩林居
寂寞宣齋好著書
宣室有時還賈誼
茂陵無病卧相如
九峯雲外聽淒鶴三

柳秋深看打魚
塵世浮沉俱夢幻
西樓堪坐夕陽餘

全在衡以淮南招隱圖見寄次韻奉答

山堂擊斝坐相陶
永叔懷贖酒易醺
獨客夢隨揚子月
故人書寄石城雲
舟來江左孤帆渺
因寫淮南遠村分
兩地迢英楚絕祇憐同
調離塵羣

賦得滕王閣送仲立游南昌

章江門外滕王閣
坐對川蕙紫翠終
昔日狂歌誰該我
當年洵翰又逢君
帆歸南浦送飛浪
泉

掛西山和白雪秋杪登臨想多思御閱應自惜
離羣

社日江上見燕子來舟中追和少陵韻
燕子死、經歲春往來常伴物華新舊家近徙
還尋社日將辭更傷人棲息久諳他國語飄
零終是故鄉身蕭條愁坐寒江上時序關心淚
滿中

夜集沈泰甫舟中送英廷韓游北都
霧暗空濛月色寒梅花吹落角聲殘情深尚憶
投交易老去空憐欲別難白苧歌闌和扇掩青

萍澁畫背燈看人生會合真無定尊酒須傾此
夜懽

馮開之太史携酒駕鸞湖同項益仰志
遠思仲分得孤字

海客乘秋興不孤片帆斜日下姑蘇危樵死輸
留仙史畫舸酒樽伴酒徒兩岸煙波全浸郭中
流別嶼半分湖醉來擬欲凌風去直向浮槎叩
帝都

虎跑泉指南禪師房次蘇長公韻
羣山迴繞鬱天香勢壓重林午殿涼紫蔓亂垂

看洞合蒼松遙帶白雪長疎鐘忽漫傳高刹清
枕時聞到下方花底新泉煖春茗通宵徹共老
僧膏

同沈君典登南高峰崇國寺洪法僧舍
午雲深處萬峯削春畫寒巖怯駟來者日避秦
猶有境當年霸越已無臺塔臨東海通儂馭門
對西湖碑宮杯落日翠微天欲嶼杖藜洵趁晚
鐘回

蔡世郊携西菟柳池同規汝順蔡良所
楊汝扮張道遠宴集得田字

天妃宮畔水連天時見渙舟破暝煙密柳青
籠曉殿新蒲漢一後春田風生海上明霞歛雨
逼城西夕照偏滿瘞羣英詞芳藻不妨尊酒過
流年

題淮南凌尚書文新樓

淮水帆檣日夜流春保一上庾公樓
轅門曉見旌旗動幕府風傳鼓角出節旌
全韶周八座營連錦帳漢諸侯
僊欄北望三千里清夢時入
帝州

訪嶺南楊首韓於鹽城夜雨泊高郵湖

華亭西郭當年別，兩地相思已六年。柳水北溱
江勢新，鹽城東望海雲連。梅花空發春風嶺，蓬
葉誰憐。夜雨船，擬向淮陰一相詢。改聲藜，偏
人傳。

懷楊使君首韓

常憶嶺南楊仲子，一時聲價重儒林。華亭桃李
村，發淮海棠梨樹，陰秋入新鴻。千里月夜
看孤劍，六年心白龍潭上。清冷水流，得若名說
至今。

同蔡四良卿登淮安城西樓

徙倚壽城送酒杯，故園千里客心催。亂帆西下
湖光破，宿霧東連海色開。帥府中天傳鼓角，渙
村夾岸擁樓臺。不知何處堪投釣，當日王孫亦
可哀。

酬馬水部三首

詔從水部求郎署，旋節南飛入濟州。燕賞詩篇
追沈宋，端居詞賦擬應劉。秋空劍戟排清漢，晚
日芙蓉映碧流。欲步青蓮舊踪跡，乘風一醉郡
南樓。

河橋楊柳脆青絲，水國風疎念別離。千里看雲

時獨卧三秋坐兩倍相思生花已驗江淹筆夢
草新憐謝監詩七十二泉分砌下東西常見白
雲馳

金閨占籍獨壇千里長風扇羽翰白戟符徐開
劍戟青詞律秀出琅玕豐城光拂秋雲烈滄海
殊明曉月寒隔歲音書兩愁絕何時直到使君
灘登

酬馮威甫進

年少翩翩意氣豪投文應後飲醇醪江東久占
詩名遠洛下時聞孤價高偶向花間傳白苧忽

來竹底醉青袍千秋知有華亭鶴今見長鳴出
九皋

奉和傅明府子俊同顧山甫張左虞丞
天寺重玄精舍對雪韻

祇園竹樹西因依茂宰觀風駕不違已見早梅
連夜發却教朔雪入春苑殿臺冷淡天花合世
界空濛物色非盡道豐年逞佳瑞宦游休憶故
山薇

和金陵金在衡奉寄韻

友誼生平鮑叔知兩身幸喜值明時清畏同入

看花院午夜常游夢草池
儿上每爲科斗字江
東爭唱鷓鴣詞韻華荏苒
應過百擬向雲山共
抹芝

鹿城詩集卷之

吳郡梁辰魚伯龍著

五言排律

九日因諸公登卧雲閣宴十韻

高會聯文彥佳辰續勝遊
金飈襲飛閣玉露下
芳洲雲物開千里風煙屬
九秋羣公時宴賞
戎華後追出簪拂更香
遍觴飛菊露浮峰孤
開鳥道湖遠失漢舟
樹斫山城出煙連
井幹稠枕深
徑竹院歌溢振林丘
逸興乘秋發高談
永日徧夕陽忽已暝
歸路謾夷猶

題江上女郎廟八韻

野廟臨江渚秋深戶半高靈旗交柱樹寒鵲下
葦庭香冷猶聞社碑殘不辨銘花細風折、叢
珮雨冥冥夢入巫山峽神遊浴水汀塵無瞻廟
貌恍惚見精靈日落山鵲泣洲晴杜若青空憐
鄭文甫蘭蕙薦芳馨

秋日遊豫章瑞昌王南山別墅八韻

昔日仙人館當年帝子宮雲中下簫管花杪出
房櫺庭茁宜男草窈含少女風迴廊千澗曲別
院一林通閣影游鱗集橋陰浴鳥逢蜂攢花更

隔洞轉竹猶籠極景清歌溢悲秋逸興雄巖前
有芳樹應似小山叢

懋廬山瑤上人凌虛閣六韻

一入瑤公院翛然世界寬磬深山樹密雲暗石
樓寒貝葉經書編松枝初掛殘定餘龍伏鉢供
後鳥歸盤行悞如、妙心知劫、安明燈坐趺
忽清論滿蒲團

贈黃淳父十韻

竹裏玄芝館人中黃石公清風高士傳芳村小
山叢表亂雲離岫飄飄鶴避籠攜詞驚起鳳披

卷陋雕虫跡，頽牆東隱家。餘江左風，倦游禪榻。
裏長嘯，酒樽中鬢，為論文白心。因看劍，雄武陵
梅釣叟，江夏識奇童。浮世誰傾蓋，虛名似轉蓬。
鹿門可棲托，杖屨願相同。

上禮部尚書尹相公三十韻

荀國中生日，中天嶽降辰。風流傳祖德，卓絕邁
臣鄰。少小金閨籍，道遠玉殿身。賜特瓊研早詔，
奪錦袍，頻視草。趨青瑣，談徑近紫宸。周庠敷教，
育殷序，止彛倫。萬國陶鑄久，諸生造就純。乘風
騰鷁，泓隨水上。龍津維荷明，玉甕能辭丞。相嗔

唧恩離露陞，命駕出風塵。秘殿辭鴛鴦，留都領
縉紳。江山南渡異，星斗北辰均。禮樂司文物，春
官坐討論。棘園收俊乂，郊廟協明禋。歲月淹良
佐，年華屬老臣。祥雲籠四野，佳氣慶千春。艷冶
纓，過度清和又。及晨溫風翔，海鶴膏雨沐。靈樁
桃李盈，墻植簪裾滿。座陳泰庭多，幕客入室半。
門人蘭草岳，仙佩榴花當。酒巡階前羅玉樹，堂
下列麒麟。喜值再甲子，還期復丙寅。詩看終卷
韻，定見極台鈞。未學心何日，先生道久遵。太丘
游茂苑，伯氏治江濱。吉水源方遠，吳門化未溷。

華封新更切嵩嶽頌初中海宇春如舊家山日
永新壽天回壽域康濟在斯民

送谷子遷游廣州并寄南海諸君子十

六韻

余聞南海諸公素矣文章風度殊類中州
近管稚圭自南中来掄揚更甚昨見谷子
遷詩畫小冊海錯雖陳益信稚圭之言不
誣也余北游泰山遇子遷於建業云將有
廣州之行因賦斯篇以致遠况
送客游南海梅風驛路長嶺雲亦故國峒語自

他鄉舟入紅蕉渡城盤薜荔墻渚禽饒翡翠山
菓雜檳榔暮卜迎花女春祈竇竹郎連峰羅劍
戟亘海列帆檣遠嶼通諸島邊閑控五羊君行
當六月人去過三湘策杖藤蘿色絨書荳蔻香
山城多後又番海感文章風物如江左衣冠似
大梁別未應間闊相見更徜徉羨子還携劍憐
余亦束裝有帆方北渡無翼後南翔後夜同飄
泊前途共縹緲相期在何處詞翰出盈箱

題趙食英製重綃屏風十韻

金陵趙食英以五色雜緞細鏤花竹禽蟲

夫以重綃製為障子宵映燈火天機燦然
如置之軒窗想像恍惚竟不辨其真偽也
往歲趙子來吳中四明沈嘉則鳧山俞仲
蔚嘉定殷無美太倉王元美收美各分韻
賦五言長篇贈之內寅春過金陵因出諸
作示余亦為之嗣響

綺屏凝雪色雜彩綴春工寶炬千條映蓮花四
座融疎枝應却月闌明欲凌風桂領棲蟾先啟
投飲澗虹香趁排幕入聲似隔簾通雲母籠煙
碧鏡滄浥淡紅鏡融烘玉臉窗暖撲金虫景入

鏤鏤內春歸裁剪中晚霞蒸瑣闥朝日透芳櫺
如坐澄湖上魚龍戲碧空

初秋新樂王殿下內苑宴應教十韻

兔苑芳林接採薇
張殘雲消故暑驟雨薦
新涼乍攸開蘭館微
秋上桂堂景差方入楚司
馬乍游梁曉露龍章麗
秋風濤藻香折中隨姐
豆縫枝踐巖廊談笑憐
方朔風流駕孟嘗屬壽
山月吐丹闕海雲翔
問漏重門格移燈表道長
西園集飛蓋千載繼陳王

謁宣聖廟八韻

瞻拜儀儀形春風滿殿庭
法歌周禮樂廟貌漢
丹青戶牖思游息
門墻識典刑崇簷留古楹
榘
壁得遺經帳肅千秋
寢碑封百代銘空香
飛桂
檻雲氣入招檻
暫息講壇杏
還如渡楚萍
深漸
遠游子何以薦芳馨

冬日過顧仲方招隱園共賦杯字六韻
獨選煙霞勝山疑招隱
開路從飛閣迥
溪向曲
橋迴兩砌黃
花盡霜空白
鴈催搗詞多
鮑謝佳
客半鄒枚
落葉翻書卷
殘陽入酒杯
愧余長
浪
跡歲暮得追陪

莫雲鄉齋中宴集得侵字六韻

寂寞坐長夜蕭森翰墨林
窓梅寒影瘦山麝暖
香侵白髮空名姓青燈
成古今孤樽千里客
短
釵百年心高館簾櫳
啓危樵刻漏沉江
鄉此飄
泊為爾一開襟

春日同徐元甫黃淳父虎丘併閱送永
嘉周文美游金陵十韻

南國憶初別重逢今年
詎知蓮社會忽值竹
林禪老我髮雙白
憐君思獨玄方投吳
苑樹更
度秣陵煙野酌供僧
闍香詞送佛筵
燕來當社

後宮去落花前山寺雲盤郭風江水拍天圖書
春盡店燈火夜深船草驛憑鳩杖花村信馬鞭
百年孤劍在逸思總翻

同諸社友過周穆州東林精舍十二韻

北海聯高會東林憶舊遊匡山當日社陶令此
時投路入虎溪僻煙藏鶴洞悠疎鐘排寺出香
梵隔林浮漏接蓮花轉經翻貝葉稠藻開池上
閑花推石邊樓笛宮竹深處看雲水畫頭魚果
積曲岸鷗滿抱圓流露萼辛夷館風條杜若洲
湖聲遠遠塔山色近盤虬獨慙丘中賞同探物

外幽玄談呈晨夕逸翰恣冥搜

張仲立新居八韻

閑跡憐張仲端居別墅深小田餘二頃檻竹枕
千尋密樹新鶯占疎簾舊燕侵巖雲盤北郭香
枕出東林野岸魚梁夾煙城雉堞沉義傾三人
劍社結百年心垂釣渺湖海著書空古今莫嫌
車馬僻短棹放小陰

贈甫里戴逸人十韻

誰似西橋叟聞居八十年耐款娛癖日鼓腹樂
堯天採藥因黃石參禪返白蓮春歸安道宅雪

訪子猷船家闕栽桑園門饒種秫田步兵鱸酒
接魯聖鴨池連歲月躋彭祖行游類偃佺倚筵
逢節序壽液得春先萊衫華堂上蕭韶雲漢遊
從茲日強健應足地行仙

俠客贈莫雲卿二十韻

海內今才子江東舊孝廉焚膏黎火繼摘藻筆
花添結客心偏下論文意獨謙英標如鶴立高
卧類虬潛白苧當筵逞青萍脫匣鉞變重秦綠
倚仕女軸湘兼鸚鵡雕欄據驛驕翠鬪苗秦箏
調玉柱鄰架列牙籤鞞鞫拋花底鞞韞出樹尖

芸房能卻冷竹牖欲消炎夜舞堂堂曲秋歌昔
昔鹽金鑪和鴨棗銀輪趁魚鈴曉月窺華燭春
香護繡奩風簷裁燕霧帳撲鸚帶軟纏腰
細如長入指纖釵翎全鏤鳳扇月半規鑿畫橋
廡稱絕棋深敵遇殲龍鵠書更獨換馬妾常兼
酒市每通籍花營未解嚴還憐多別恨作賦似
江淹

麻城劉黃門諧左遷覓丞以己邗息五月二十四日亥時西勝各生一子事頗殊異賦贈十韻

玉向崑崙出星從翼軫移人間開鳳穴天上降
麟兒蘭茁復心蕊荆芥並蒂枝姬姜還異母申
甫得同時彩雉誇齋耀神駒喜共馳中宵平刻
漏片畧叶熊羆世衍箕裘後門連瓠夫垂握如
珠的歷笑似玉參差勝事於今烈爭傳曠古奇
他年看奮迅兩躡躡雲遙

徐道生北山新居八韻

石橋西畔路斜日下立樊垂柳環危堞疎松挂
短垣宅通麋鹿塢窓對鳳凰墩煙冷鎖山翠槎
平漫小痕鐘聲經院宇塔影落琴樽燕子穿花

萼鷄孫護竹根巖虛風墮石溪靜月侵門偶向
中峰住翛然避世喧

謝舍之西城草堂八韻

草堂村落裏背郭枕寒塘檻淨峯侵帙兼疎月
近林鐘迴依梵閣帆轉集河梁雲淡秋容霽風
微暑氣涼隔城有岫色傷鳩識花香野渡平春
浪空齋送夕陽窓虛懸峻塔雄威散垂楊芳草
閑門閉清歌數舉觴

周履嘉東城幽居六韻

青溪樓息處夾岸石橋迴銀杏俊珠樹金蓮七

寶臺午鶯當曙出社燕隔春回海刺盤林起風
鐘度水未女塙分薜荔衣桁上萼苔莫訝幽居
僻坐薰花底開

孫峩山携酒夜集北山茅堂八韻

茅堂臨曲澗對抱玉山阿松影穿雲細秋聲入
檻多疎楊花亂蝶孤塔伴明河佳客春城遇芳
樽子夜過坐深能縱飲興到欲悲歌白露下紅
葉清風生翠蘿窮途頻落魄空谷任蹉跎待惜
今宵醉其水朗月何

贈用芝孫南城新居三十二韻

夙性偏孤癖備然造詣殊清脩誇菊傲秀勁得
松腴書積絲綸腹形同山澤癯事功卑晉乘聲
調從吳趨陋適顏回巷窮深阮籍途灰心如墮
葉兀坐似枯株中軟徑風折衣珠范露濡濯纓
歌孺子作論擬潛夫開卷從飄麥閉游獨擣梧
舊文傾井邑新築止丘隅雪片飛春壁香條護
夕鑪茅堂朝負燕粉蝶夜啼烏宅遠蓬蒿徑屏
圍山海圖野延鋪草具側戶構桑樞愁對花能
獨雨凭竹與俱近池桐影裝依座菊陰敷課策
開書帙陶情寄酒壚接羅頓解脫擔石及春無

棲息疑僧室論文類友于橘河雲染素點易露
研朱惜別偏翹首懲奸徹怒鬚評書追草聖解
舞學已渝採葉貪勺漏高舟憶具區春鋤開宿
莽秋鍾入樵蘇執手隨耕父持竿伴釣徒塘深
魚戲乳琴轉鳳將雛問法投蘭若奉禪住冷孤
鵝籠移羽宮牛掛授奚奴泐海尋真隱軋坤笑
厲儒文章增低價諷咏足詩逋英辨清和濁休
論蹟與愚林泉君自得高卧蹤微軀


賦得樵雲贈新安程君八韻

千巖秋色裏樵路入荒雲縹緲人難到冥濛畫

不分持鎌迷翠靄荷香入清芬摘萼收蜂課推
條走鹿羣青橫蒼蘚色衣帶紫霞文崖轉露猶
潤山深日易曛花零隨蝶趁谷淨獨鶯聞出處
悲人世青林止見君

送沈文川司訓杭州六韻

莫厭官齋令行將化雨俱文明開兩浙家勢搖
三吳後進從游息諸生學步趨詞章早近習詩
禮得醇儒玄閱披經籍青山對畫圖春臺冠
集游樂過西湖



國家圖書館, NATIONAL CENTRAL LIBRARY, TAIWAN, R.O.C.

新書
一
二